

中國文學精華

秦漢三國文評註讀本

上 冊

秦漢三國文評註讀本

目次

卷一

論辨

過秦論上 賈誼……………一
 過秦論中 賈誼……………六
 過秦論下 賈誼……………九
 難蜀父老 司馬相如……………一一
 答客難 東方朔……………一六
 解難 揚雄……………二〇
 正交論 蔡邕……………二三

目次

汝穎優劣論 孔融……………二五

典論論文 魏文帝……………二七

周成漢昭論 魏文帝……………三〇

相論 曹植……………三三

籍田說 曹植……………三四

又……………三六

鬻髀說 曹植……………三七

難鍾荀太平論 王粲……………三九

序跋

離騷贊序 班固……………四一

楚辭章句敘 王逸……………四二

詩譜敘 鄭玄……………四六

董仲舒集敘 蔡邕……………五〇

孫子兵法序 魏武帝……………五一

自敘 魏文帝……………五三

畫贊序 曹植……………五八

奏議

諫逐客書 李斯……………五九

論守邊備塞書 趙鼎……………六二

聞樂對 中山靖王……………六六

粵有三仁對 董仲舒……………六九

諫獵疏 司馬相如……………七一

上武帝書 東方朔……………七二

言世務書 嚴安……………七三

駁入粟贖罪議 蕭望之……………七八

論甘延壽等疏 劉向……………七九

爲陳留太守奏上孝子程末事

表 蔡邕……………八四

薦禰衡疏 孔融……………八六

肉刑議 孔融……………八九

請增封荀彧表 魏武帝……………九一

求通親親表 曹植……………九三

隆中對 諸葛亮……………九八

前出師表

諸葛亮

一〇〇

後出師表

諸葛亮

一〇四

自表後主

諸葛亮

一〇八

卷二

書牘

遺章邯書

陳餘

一

賜南粵王趙佗書

漢文帝

二

報文帝改帝號書

趙佗

五

獄中上書自明

鄒陽

六

上書諫吳王

枚乘

一三

上書重諫吳王

枚乘

一六

報任少卿書

司馬遷

一八

答蘇武書

李陵

二八

報孫會宗書

楊惲

三五

與子陵書

光武帝

三八

奏記東平王蒼

班固

三九

爲兄上書

班昭

四三

遺黃瓊書

李固

四五

諫何進召外兵

陳琳

四七

答東阿王牋

陳琳

四八

論盛孝章書

孔融

四九

遺張紘書

孔融

五一

答虞仲翔書

孔融

五二

報曹公書

孔融

五三

戒子書

鄭玄

五六

與王脩書

魏武帝

五八

與朝歌令吳質書

魏文帝

六一

與吳質書

魏文帝

六二

又報吳主孫權

魏文帝

六五

與楊德祖書

曹植

六七

與司馬仲達書

曹植

七一

與吳季重書

曹植

七二

在元城與魏太子牋

吳質

七四

答魏太子牋

吳質

七七

答東阿王書

吳質

七九

與從弟君苗君胄書

應璩

八三

與侍郎曹長思書

應璩

八六

答臨淄侯牋

楊脩

八七

諫曹植書

劉楨

九〇

為劉荊州與袁譚書

王粲

九一

與丞相陸遜書

諸葛恪

九四

與諸葛恪書

薛綜

九七

詔令

求賢詔

漢高帝

九八

賜燕王璽書

漢昭帝

一〇〇

報臧宮馬武詔

漢光武帝

一〇一

軍策令

魏武帝

一〇二

讓縣自明本志令

魏武帝

一〇四

詔羣臣 魏文帝 一〇九

碑誌

郭有道碑 蔡邕 一一二

翟先生碑 蔡邕 一一五

楚相孫叔敖碑 邯鄲淳 一二六

雜記

異聞記 陳寔 一一八

篆勢 蔡邕 一二〇

隸勢 蔡邕 一二一

箴銘

酒箴 揚雄 一二三

座右銘 崔瑗 一二四

女誠 蔡邕 一二五

頌贊

趙充國頌 揚雄 一二六

祖德頌 蔡邕 一二八

辭賦

鵬鳥賦 賈誼 一二九

太玄賦 揚雄 一三二

釋愁文 曹植 一三四

出婦賦 曹植 一三六

慰子賦 曹植 一三七

幽思賦 曹植 一三八

感節賦 曹植 一三八

登樓賦

王粲

一四〇

哀祭

祀故太尉橋玄文

魏武帝

一四二

金瓠哀辭

曹植

一四四

秦漢三國文評註讀本卷一

論辨

過秦論上

過秦者，言秦之過也。

賈誼

漢洛陽人。李斯之學，傳於吳公；吳公傳之於誼。文帝召以爲博士，一歲中，超遷至大中大夫。絳灌輩忌其才，

問之，出爲長沙王太傅；後復拜梁懷王太傅。懷王墮馬死，賈生自傷爲傅無狀，哭泣歲餘亦死，年僅三十三。著新書十卷。

秦孝公據殽函之固，擁雍州之地，君臣固守，以窺周室；有席卷同天下，包舉宇內，囊括四海之意，并吞八荒之心。當是時，商君佐之；內立法度，務耕織，修守戰之備；外連衡通而鬪諸侯，於是秦人拱手而取西河之外。

孝公既沒，惠王武王，蒙故業，因遺策；南取漢中，西舉巴蜀；東割膏腴之地，收要害之郡。諸侯恐懼，會盟而謀弱秦，不愛珍器重寶肥饒之地，以致天下之合從同締交，相與爲一。當是時，齊有孟嘗，趙有平原，楚有春申，魏有信陵。此四君

者皆明智而忠信，寬厚而愛人；尊賢重士，約從離衡，兼韓、魏、燕、楚、齊、趙、宋、衛、中山之衆。於是六國之士，有宵越、徐尙、蘇秦、杜赫之屬，爲之謀；齊明、周最、陳軫、召滑、樓緩、翟景、蘇厲、樂毅之徒，通其意；吳起、孫臏、牝帶佗、駝兒、倪良、王廖、聊田忌、廉頗、趙奢之朋，制其兵。嘗以十倍之地，百萬之衆，叩關而攻秦。秦人開關延敵，九國之師，逡巡遁逃而不敢進。秦無亡矢遺鏃_促之費，而天下諸侯已困矣。於是從散約解，爭割地而事秦。秦有餘力，而制其敝，追亡逐北，伏尸百萬，流血漂鹵，櫓通因利乘便，宰割天下，分裂山河。強國請服，弱國入朝。——施_以破及孝文王、莊襄王，享國日淺，國家無事。

及至始皇，奮六世之餘烈，振長策而御宇內，吞二周而亡諸侯，履至尊而制六合，執_迫上梏_膚以鞭笞天下，威震四海，南取百越之地，以爲桂林象郡。百越之君，俛_俯同首繫頸，委命下吏。乃使蒙恬北築長城，而守藩籬，卻匈奴七百餘里。——胡人不敢南下而牧馬，士不敢彎弓而報怨。於是廢先生之道，燔_符袁百家之

言以愚黔首，墮名城，殺豪俊，收天下之兵，聚之咸陽，銷鋒鑄鐮，互以爲金人十二，以弱天下之民；然後踐華去聲爲城，因河爲池，據億丈之城，臨不測之谿，以爲固。良將勁弩，守要害之處；信臣精卒，陳利兵而誰何。天下已定，秦王之心，自以爲關中之固，金城千里，子孫帝王萬世之業也。

始皇既沒，餘威震於殊俗。然而陳涉甕牖繩樞之子，萌隸之人，而遷徙之徒也。才能不及中人，非有仲尼墨翟之賢，陶朱猗頓之富，躡足行伍之間，而崛起阡陌之中；率罷同疲散之卒，將數百之衆，轉而攻秦；斬木爲兵，揭竿爲旗。天下雲合響應，羸糧而景同影從，山東豪俊，遂並起而亡秦族矣。

且夫天下，非小弱也；雍州之地，殺函之固，自若也。陳涉之位，非尊於齊、楚、燕、趙、韓、魏、宋、衛、中山之君；鉏耰同鋤，棘矜同戟，非銛同鐵於鈎、戟、長、鑊殺也；適通適戍之衆，非抗於九國之師也；深謀遠慮，行軍用兵之道，非及鄉同鄉時之士也；然而成敗異變，功業相反也。試使山東之國，與陳涉度長絜大，比權量力，不可同年而語矣。然

秦以區區之地，致千乘之權，招八州而朝同列，百有餘年矣；然後以六合爲家，殺函爲宮。一夫作難，而七廟隳，身死人手，爲天下笑者，何也？仁義不施，而攻守之勢異也。

通首只是寫「仁義不施，攻守勢異」八字。平鋪直敘中，自具縱橫馳驟之觀。

【註釋】【秦孝公】秦嬴姓，伯益之後。孝公，名渠梁，始皇六世祖。【殺】山名。秦塞也。有東殺西殺，在河南洛寧縣境。【函】

函谷，關名，在今河南靈寶縣。（史記）周慎觀王三年，楚趙魏韓燕同伐秦，攻函谷關，秦出兵逐之，皆敗走。秦始皇六年，楚趙魏韓衛伐秦，

取壽陵，至函谷，敗還。【雍州】今陝西省。【商君】名鞅，姓公孫氏，衛之孽子也。因秦孝公寵臣景監以仕秦，秦封之商，因曰商君。

【連衡】連六國以事秦也。【西河】魏邑，今陝西舊同州府地，在黃河西，故名西河。商君伐魏，破之，魏獻西河以和。【惠王】

【武王】惠王，名駟，孝公子。武王，名蕩，惠王子。【漢中】楚地，今陝西南部南鄭等縣。【合從】合六國以攢秦也。【孟嘗】姓

田名文，齊之公族，封於薛，相齊，以好客稱。【平原】名勝，封於平原，相趙，亦以好客聞。【春申】黃歇封春申君，相楚，食客三千，上

客皆購珠履。【信陵】名無忌，信陵君其封號也。禮賢下士，救趙存魏，在四公子中爲最賢。【衛】附於魏最後亡。【中山】附

趙，今河北定縣。【甯越】中牟人，苦耕作之勞，乃發憤學十三年，而齊威公師之。【徐尙】宋人。【蘇秦】洛陽人，說秦惠王不

用，乃往說燕趙，合縱拒秦，身爲之長。【杜赫】魏人。【齊明】東周臣，後事秦楚及韓。【周最】東周太子。【陳軫】楚大夫，

【召滑】楚人。【樓緩】魏相，文侯弟。【翟景】魏人。【蘇厲】蘇秦弟。【樂毅】燕昭王之卿，率趙楚魏燕五國兵以

伐齊，下齊七十餘城，封昌國君。昭王薨，惠王用齊人反間，使騎劫代之。毅懼奔趙，趙封之於觀津，號望諸君。【吳起】魏人。嘗學於曾

子，善用兵，魏文侯以爲將，擊秦，拔五城。後被譖，奔楚，楚任之爲相，南平百越，北卻三晉，西伐秦。而楚之貴戚大臣，多怨起者，卒爲楚所殺。

【孫臏】齊人，孫武之後。與龐涓俱學兵法於鬼谷子。涓爲魏將，臏隨之能，則其足。齊淳于堯使於魏，載臏歸，威王以爲師，魏攻趙，臏

伐魏救趙，涓中伏自刎，臏由是名高。【帶佗】楚將。【兒良王廖】呂氏春秋王廖貴先，兒良貴後，此二人者，皆天下豪士也。

【田忌】齊將。【廉頗】趙將，惠文王時破齊，取晉陽。孝成王時，破燕，割五城以和。因罪亡至魏，趙數困於秦兵，欲復用之，而頗年

已老，又爲人所讒沮，遂不復用。【趙奢】趙人，爲田部吏。秦伐韓求救於趙，趙以奢爲將，大破秦軍，號馬服君。【九國】卽韓、魏、燕

楚、齊、趙、宋、衛、中山也。【逡巡】行不進也。【鏃】箭端也。【漂鹵】鹵，大盾也。漂，浮也。【孝文王】名柱，昭王稷之子。【莊

襄王】名楚，孝文王子，始皇父也。【享國日淺】孝文一年，莊襄三年。【始皇】名政，吞六國而有天下，在帝位凡十二年，自

號爲始皇帝。【六世】孝公、惠文、武、昭襄、孝文、莊襄。【二周】西周、東周也。【榘柎】榘，杖，柎，刀柄也。【答】擊也。【百越】

卽南粵，種落不一，故云百越。【桂林】今廣西北部。【象郡】今廣西南部，及越南之北部。【蒙恬】秦將。始皇時，使蒙恬率兵

三十萬，北築長城，威震匈奴。始皇崩，趙高立二世，恬自殺。【長城】始皇三十三年，築長城，起臨洮，訖遼東，延袤萬餘里。【匈奴】

北狄之最强大者。堯時曰獯粥，殷曰獯鬻，周曰玁狁，秦曰匈奴。周末，與燕、趙、秦三國爲鄰，蒙恬擊之，取其河南地，北徙者十餘年。【黔

首】猶言黎民，以其首黑也。一說，民以黑巾覆首，故云。【鑼】所以懸鐘鼓者。【金人十二】漢書五行志：始皇二十六年，有

大人長五丈，足履六尺，皆夷狄服，凡十二人，見於臨洮，故銷兵器鑄而象之。【華】五岳之一，在今陝西華陰縣南。【關中】自函

谷關以西，總名關中，其地因東函谷關，南峽關，武關，西散關，北蕭關，居各關之中，故名。【陳涉】名勝，陽城人。嘗與人傭耕，息於隴上，

曰：「苟富貴，無相忘。」備者曰：「若爲耕備，何富貴也？」涉歎曰：「燕雀安知鴻鵠之志哉？」二世元年，行戍至大澤鄉，會天雨，失期，當斬，遂與吳廣起兵。【毗】田民也。【墨翟】戰國宋人。【陶朱】卽范蠡，字少伯，楚宛三戶人，佐越王勾踐滅吳，後去官之陶，自稱陶朱公，治產居積，十九年中，三致千金。【猗頓】春秋魯人，以鹽起家，十年之間，貨擬王公。【鉏耒棘矜】耒，鋤柄，矜，戟柄，言並無鋤戟，止有其柄耳。【鈛】利也。【鈎戟長鍛】鈎戟，有鈎之戟。長鍛，長矛。【千乘】《論語》道千乘之國。（注）千乘，諸侯之國。【八州】兗、冀、青、荆、梁、豫、徐、揚也。【七廟】《禮記王制》天子七廟，三昭三穆，與太祖之廟而七。

過秦論中

賈誼

秦并海內，兼諸侯，南面稱帝，以養四海。天下之士，斐然鄉風，若是者，何也？曰：「近古之無王者久矣。周室卑微，五霸既沒，令不行於天下。是以諸侯力政，彊侵弱，衆暴寡，兵革不休，士民罷敝。今秦南面而王天下，是上有天子也。既元元之民，冀得安其性命，莫不虛心而仰上。當此之時，守威定功，安危之本，在於此矣。」

秦王懷貪鄙之心，行自奮之志，不信功臣，不親士民，廢王道，立私權，禁文書，而酷刑法，先詐力而後仁義，以暴虐爲天下始。夫并兼者高詐力，安定者貴順權，

此言取與守不同術也。秦離戰國而王天下，其道不易，其政不改，是其所以取之守之者異也。孤獨而有之，故其亡可立而待。借使秦王計上世之事，並殷周之迹，以制御其政，後雖有淫驕之主，猶未有傾危之患也。故三王之建天下，名號顯美，功業長久。

今秦二世立，天下莫不引領而觀其政。——夫寒者利裋豎褐易，而饑者甘糟糠。天下之嗷嗷，新主之資也。此言勞民之易爲仁也。鄉同使二世有庸主之行，而任忠賢；臣主一心，而憂海內之患；縞素而正先帝之過；裂地分民，以封功臣之後；建國立君，以禮天下；虛囹圄監，而免刑戮，除去收帑通，污穢之罪，使各反其鄉里；發倉廩，散財幣，以振孤獨窮困之士；輕賦少事，以佐百姓之急；約法省刑，以持其後。使天下之人，皆得自新，更節修行，各慎其身。塞萬民之望，而以威德與天下，天下集矣。卽四海之內，皆懽然各自安樂其處，唯恐有變。雖有狡猾之民，無離上之心，則不軌之臣，無以飾其智，而暴亂之奸止矣。

二世不行此術，而重之以無道，壞宗廟與民更始，作阿切於河房宮，繁刑嚴誅，吏治深刻，賞罰不當，賦斂無度。天下多事，吏弗能紀，百姓困窮，而主弗收恤。然後姦僞並起，而上下相遁，蒙罪者衆，刑僇六音相望於道，而天下苦之。自君卿以下，至於衆庶，人懷自危之心，親處窮苦之實，咸不安其位，故易動也。是以陳涉不用湯武之賢，不藉公侯之尊，奮臂於大澤，而天下響應者，其民危也。故先王見終始之變，知存亡之機，是以牧民之道，務在安之而已。天下雖有逆行之臣，必無響應之助矣。故曰安民可與行義，而危民易與爲非，此之謂也。貴爲天子，富有四海，身不免於戮殺者，正傾非也。是二世之過也。

逆取順守，未嘗不可。文歸咎二世，反覆說來，理由極爲充足。彼童而昏，何足以知此？

【註釋】【力政】以力爲政也。【元元】（史記文帝紀）以全天下元元之民。（注）元元，非一人也。【離戰國】離，猶併也。

【二世】名胡亥，始皇少子，在位三年。【襤褐】襪，短衣，褐，毛布。【嗷嗷】愁聲。【縞素】喪服。【囹圄】獄名。（風俗通）周

日囹圄。【阿房宮】始皇所築，故址在今陝西咸陽縣。【紀】理也。【大澤】在今安徽宿縣。時秦發閭左戍漁陽者九百人，屯

大澤鄉。陳勝吳廣爲屯長，會天雨，失期，法當斬，勝廣因起兵於蕪。【正傾非也】傾，危也。言正危之道非也。

過秦論下

賈誼

秦并兼諸侯山東三十餘郡，繕津關，據險塞，修甲兵而守之。然陳涉以戍卒散亂之衆數百，奮臂大呼，不用弓戟之兵，鉏耰白梃，望屋而食，橫行天下。秦人阻險不守，關梁不闔，長戟不刺，強弩不射。楚師深入，戰於鴻門，曾無藩籬之艱。於是山東大擾，諸侯並起，豪傑相立。秦使章邯將而東征，章邯因以三軍之衆，要_平市於外，以謀其上。羣臣之不信，可見於此矣。

子嬰立，遂不寤。藉使子嬰有庸主之材，僅得中佐，山東雖亂，秦之地可全而有，宗廟之祀，未當絕也。——秦地被山帶河以爲固，四塞之國也。自繆公以來，至於秦王，二十餘君，常爲諸侯雄，豈世世賢哉？其勢居然也。且天下嘗同心并力而攻秦矣。當此之時，賢知並列，良將行其師，賢相通其謀，然困於阻險而不能進。秦

乃延入戰而爲之開關。百萬之徒，逃北而遂壞，豈勇力智慧不足哉？形不利，勢不便也。秦小邑并大城，守險塞而軍，高壘毋戰，閉關據阨，荷戟而守之。諸侯起於匹夫，以利合，非有素王之行之也。其交未親，其下未附，名爲亡秦，其實利之也。彼見秦阻之難犯也，必退師安土息民，以待其敝，收弱扶罷，同以令大國之君，不患不得意於海內，貴爲天子，富有天下，而身爲禽同者，其救敗非也。

秦王足己不問，遂過而不變；二世受之，因而不改，暴虐以重禍；子嬰孤立無親，危弱無輔；三主惑而終身不寤，亡不亦宜乎？當此時也，世非無深慮知化之士也；然所以不敢盡忠拂過者，秦俗多忌諱之禁，忠言未卒於口，而身爲戮沒矣。故使天下之士，傾耳而聽，重足而立，其淹切口而不言。是以三主失道，忠臣不敢諫，智士不敢謀，天下已亂，姦不上聞，豈不哀哉？

先王知壅蔽之傷國也，故置公卿大夫士，以飾法設刑，而天下治；其強也，禁暴誅亂而天下服；其弱也，五霸征而諸侯從；其削也，內守外附而社稷存。故秦之

盛也，繁法嚴刑，而天下震；及其衰也，百姓怨望，而海內畔矣。故周五序得其道，而千餘歲不絕；秦本末並失，故不長久。由是觀之，安危之統，相去遠矣。野諺曰：『前事之不忘，後事之師也。』是以君子爲國，觀之上古，驗之當世，參以人事，察盛衰之理，審權勢之宜，去就有序，變化有時，故曠日長久，而社稷安矣。

地利不如人和。秦爲四塞之國，地利得矣，而衆叛親離，未得人和，土崩之禍，實肇於此。文本此立論，較前兩論，尤覺警切。

【註釋】【山東三十餘郡】秦分天下爲三十六郡。山東，卽六國故地。【繕津關】繕，修也。津，濟渡處。關，界上之門。【望

屋而食】軍無儲糧，隨處而食。【關梁】梁，水橋也。（禮記月令）孟冬謹關梁。【鴻門】在今陝西臨潼縣。【章邯】秦少將，

後降項羽，爲雍王。【要市】要，劫也。市，恃也。劫恃而有所恃也。【子嬰】二世兄子。趙高殺二世，立子嬰爲秦王，後爲項羽所殺。

【繆公】春秋時秦君，名任好。【素王】有其道，爲天下所歸，而無其爵者曰素王，孔子當之。【其救敗非也】言非救敗之道

也。【足己不問】自以爲足，無所問也。【五序】武、成、康、昭、穆五主也。

難蜀父老

難，去聲，詰辨也。○漢武帝元光五年，邛笮君長聞唐蒙通夜郎，南夷得賞賜，多願內附。帝拜相如爲中郎將，建節往使。西夷皆請爲內臣，歸至蜀郡，耆老縉紳極言通西夷不便，相如乃作此，以蜀父老爲辭，而已詰難之，以風天子，且因宣

其使指，令百姓知天子之意。

司馬相如

漢成都人，字長卿，少時慕關相如之為人，因亦名相如。以貨爲郎，事景帝，爲武騎常侍，因病免。客游梁，武

帝擢爲中郎將，長於辭賦，所作有子虛、上林、大人等賦。

漢興七十有八載，德茂存乎六世，威武紛紜，湛

沉

恩汪濊，

奢

羣生澍

注

濡，洋

溢乎方外。於是乃命使西征，隨流而攘，風之所被，罔不披靡。因朝冉從駝，龐定，

昨存邛，

豈

略斯榆，舉苞蒲，結軌還轅，東鄉同將報，至於蜀都。

耆老大夫，縉紳先生之徒，二十有七人，儼然造焉。辭畢，進曰：「蓋聞天子之

于彘狄也，其義羈縻勿絕而已。今罷同三郡之士，通夜郎之塗，三年於茲，而功不

竟，士卒勞倦，萬民不贍。今又接以西夷，百姓力屈，恐不能卒業，此亦使者之累也。

竊爲左右患之。且夫邛笮西犍旬之人，與中國並也。歷年茲多，不可記已。仁者不

以德來，強者不以力并，併意者殆不可乎！今割齊民以附彘狄，弊所恃以事無用。

鄙人固陋，不識所謂？」

使者曰：「烏謂此乎！必若所云，則是蜀不變服，而巴不化俗也。余尙惡聞若說；然斯事體大，固非觀者之所覩也。余之行急，其詳不可得聞已。請爲大夫粗陳其略：蓋世必有非常之人，然後有非常之事；有非常之事，然後有非常之功。非常者，固常人之所異也。故曰：非常之原，黎民懼焉；及臻厥成，天下晏如也。昔者洪水沸出，汎濫衍溢，民人登降移徙，隋同陘同而不安。夏后氏戚之，乃堙因洪水，決江疏河，灑沈澹菑，災同東歸之於海，而天下永寧。當斯之勤，豈惟民哉？心煩於慮，而身親其勞，躬餓讀若餓勝，駢胼胝氏無肱跋，膚不生毛，故休烈顯乎無窮，聲稱浹乎來茲。

「且夫賢君之踐位也，豈特委瑣握躡，同拘文牽俗，循誦習傳，當世取說悅通云爾哉？必將崇論宏議，創業垂統，爲萬世規，故馳騫乎兼容并包，而勤思乎參天貳地。且詩不云乎：「普天之下，莫非王土；率土之濱，莫非王臣。」是以六合之內，八方之外，浸淫衍溢，懷生之物，有不浸潤於澤者，賢君恥之。今封疆之內，冠帶之倫，咸獲嘉祉，靡有闕遺矣。而蠻狄殊俗之國，遼絕異黨之域，舟車不通，人跡罕至；

政教未加，流風猶微；內之則犯義侵禮於邊境，外之則邪行橫作，放弑其上；君臣易位，尊卑失序，父兄不辜，幼孤爲奴虜，係纍號泣，內鄉而怨曰：「蓋聞中國有至仁焉，德洋恩普，物靡不得其所，今獨曷爲遺己？」舉踵思慕，若枯旱之望雨，罄辰夫爲之垂涕，況乎上聖，又烏能已！故北出師以討強胡，南馳使以誚勁越，四面風德，二方之君，鱗集仰流，願得受號者以億計。故乃關沫若，徼叫牂牁，賦鏤靈山，梁孫原，創道德之塗，垂仁義之統，將博恩廣施，去遠撫長駕，使疏逖賜不閉，忽咎爽闇昧，得耀乎光明，以偃甲兵於此，而息誅伐於彼，遐邇一體，中外禔支福，不亦康乎？

『夫拯民於沈溺，奉至尊之休德，反衰世之陵夷，繼周氏之絕業，天子之急務也。百姓雖勞，又烏可以已哉？且夫王者固未有不始於憂勤，而終於佚樂者也。然則受命之符，合在於此，方將增太山之封，加梁父之事，鳴和鸞，揚樂頌，上咸五，下登三。觀者未覩指，聽者未聞音，猶鷦鷯已翔乎寥廓，而羅者猶視乎藪澤。悲

夫！

於是諸大夫茫然，喪其所懷來，而失厥所以進，喟然並稱曰：『允哉漢德！此鄙人之所願聞也。百姓雖怠，請以身先之。』敞罔靡徙，遷延而辭避。

大言炎炎，寓諷於頌，此文之最得體者。

【註釋】【漢興七十有八載】自高帝元年，至武帝元光六年也。【六世】高祖、惠帝、高后、孝文、孝景、孝武。【湛】深也。

【汪濊】饒多也，深廣也。【澍滯】滯滯意，言羣生滯滯德恩也。【命使西征】使相如自謂。【攘】卻也。【冉駹、笮邛】

冉駹，今四川茂縣。笮邛，即邛都。邛，今四川雅安縣。【斯榆】（華陽國志）邛都有四部，斯叟其一也，在今四川雅安縣。【苞蒲】夷種

也，史記作苞蒲。【結軌】結，旋也。【羈縻】言制四夷，但如牛馬之受羈縻而勿絕，不必過相膏責也。【三郡】巴、蜀、廣漢。

【夜郎】國名，今貴州西境。【三年於茲】唐蒙通夜郎，欲遂通西南夷，作者數萬人治道，二歲道不成，士卒多物故，費以巨萬計。

【來】撫其至曰來。【西爨】即擺夷也，在四川犍爲縣等地。【仁者不以德來兩句】言前之仁者強者，未嘗以此爲事

也。【蜀】今四川之成都、平武、三台、雅安、邛、岷等縣，及劍閣以西皆是。【今四川之閬中、南充、奉節、巴縣等地，及瀘縣境皆是。

【非觀者之所觀】言非旁觀者所能見及也。【決】決之使流也。【疏】通也。【灑沈澹菑】灑，分也，言分散其深水，以安

定其災也。【豈惟民哉】言非獨人民勸其事。【躬儼餅胔無臆】儼，腠理也。餅，胔，皮上堅也。臆，白肉也。躬儼餅胔無臆者，言

身體腠理之皮，皆堅厚而不自也。【委瑣握髓】委瑣，細碎。握髓，同髓，局促也。【參天貳地】史記索隱云：天子比德於地，是

二地也，地與己并天爲三，是參天也。【普天四句】見《詩小雅》。【六合】天地四方也。【八方】東南西北及其四隅也。

【整夫】狼戾之人也。【討疆胡】伐匈奴也。【誚勁越】誚，責也，謂平南越也。【風德】諷諭以德也。【二方】西夷南

夷也。【關沫若】以沫若爲關也，沫，今大渡河。若，今鴉嚨江。【徼牂牁】牂牁，郡名，本南夷夜郎及且蘭地。夜郎，註見上，且蘭，今

貴州遵義縣。徼，邊塞也。徼牂牁者，以牂牁爲邊徼也。【鑊靈山】鑊，刻鑊也。靈山，在今蘆山縣西北五十里。【梁孫原】孫水，即

今四川安寧河，南入金沙江。《水經注》：孫水出臺登縣。臺登，即今四川冕甯縣。謂於孫水上游，作橋梁也。【疏遯不閉】遯，遠也，言

其疏遠者，不被閉絕也。【咎爽】未明之時。【禔】安也。【陵夷】《漢書注》：陵，丘陵也。夷，平也。言其類替如丘陵之漸平也。

【梁父】爲泰山之支阜，在山東新泰縣西。古之天子，封泰山，禪梁父。【和鸞】皆也。《左傳》：錫鸞和鈴，昭其聲也。【咸五登

三】咸，同也，同於五帝，登於三王之上也。【鷦鷯】大鳥也。【寥廓】天上寬廣之處。《楚辭遠遊》：下崢嶸而無地兮，上寥廓而

無天。【敞罔】失容也。【靡徙】動足貌，失正也。

答客難

東方朔上書，陳農戰疆國之計數萬言，終不見用，因著論設客難已，用位卑以自慰諭。

東方朔

漢平原厭次人，字曼倩，善談諧。初爲郎，累遷至大中大夫，時以諷諫救武帝之過。著有靈樞經一卷，神異經

一卷，海內十洲記一卷。

客難東方朔曰：『蘇秦張儀，壹當萬乘之主，而身都卿相之位，澤及後世。今

子大夫脩先王之術，慕聖人之義，諷誦詩書百家之言，不可勝記，著於竹帛，唇腐齒落，服膺而不可釋，好學樂道之效，明白甚矣；自以爲智能，海內無雙，則可謂博聞辯智矣。然悉力盡忠，以事聖帝，曠日持久，積數十年，官不過侍郎，位不過執戟，意者尙有遺行邪？同胞之徒，無所容居，其故何也？」

東方先生喟然長息，仰而應之曰：『是故通非子之所能備。彼一時也，此一時也，豈可同哉？夫蘇秦張儀之時，周室大壞，諸侯不朝，力政爭權，相擒以兵，并爲十二國，未有雌雄，得士者強，失士者亡，故說得行焉，身處尊位，珍寶充內，外有倉廩，澤及後世，子孫長享。今則不然，聖帝德流，天下震懼，懼諸侯賓服，連四海之外以爲帶，安於覆盂，天下平均，合爲一家，動發舉事，猶運之掌，賢與不肖，何以異哉？遵天之道，順地之理，物無不得其所，故綏之則安，動之則苦，尊之則爲將，卑之則爲虜，抗之則在青雲之上，抑之則在深淵之下；用之則爲虎，不用則爲鼠；雖欲盡節效情，安知前後？夫天地之大，士民之衆，竭精馳說，並進輻湊者，不可勝數，悉力

慕之，困於衣食，或失門戶。使蘇秦、張儀與僕並生於今之世，曾不得掌故，安敢望侍郎乎？傳曰：「天下無害，雖有聖人，無所施才；上下和同，雖有賢者，無所立功。」故曰：時異事異。

「雖然，安可以不務脩身乎哉？」詩曰：「鼓鐘于宮，聲聞于外；鶴鳴于九皋，聲

聞于天。」苟能脩身，何患不榮？太公體行仁義，七十有二，乃設用於文武，得信通仲

厥說，封於齊，七百歲而不絕，此士所以日夜孳孳，脩學敏行而不敢怠也。譬若鵠

鶴，飛且鳴矣。傳曰：「天不爲人之惡寒而輟其冬，地不爲人之惡險而輟其廣，君

子不爲小人之匈匈而易其行。天有常度，地有常形，君子有常行。君子道其常，小

人計其功。」詩云：「禮義之不愆，何恤人之言？」水至清則無魚，人至察則無徒。

冕而前旒，所以蔽明；黈安殿切纁曠充耳，所以塞聰。明有所不見，聰有所不聞，舉大

德，赦小過，無求備於一人之義也。枉而直之，使自得之；優而柔之，使自求之；揆而

度之，使自索之。蓋聖人之教化如此，欲其自得之；自得之，則敏且廣矣。

今世之處士，時雖不用，塊然無徒，廓然獨居，上觀許由，下察接輿，計同范蠡，忠合子胥。天下和平，與義相扶，寡偶少徒，固其宜也。子何疑於予哉？若夫燕之用樂毅，秦之任李斯，歷酈食其幾之下齊，說行如流，曲從如環，所欲必得，功若丘山，海內定，國家安，是遇其時者也。子又何怪之邪？語曰：「以筦同窺天，以蠡黎測海，以莛撞鐘。豈能通其條貫，考其文理，發其音聲哉？」由是觀之，譬猶鼷精鼯勉之襲狗，孤豚之咋窄虎，至則靡通耳，何功之有！今以下愚而非處士，雖欲勿困，固不得已，此適足以明其不知權變，而終惑於大道也。」

遇而不遇，爲千古才人同聲一哭。

【註釋】【都卿相之位】都，居也。

【侍郎】漢制：郎官初上臺，稱尙書郎中，滿歲，稱尙書郎，三歲，稱侍郎。

【執戟】古侍郎

之職。（通典）凡郎官皆主更直執戟宿衛諸殿門，以待衛之故，通謂之侍郎。

【蘇秦張儀】秦字季子，東周雒陽人。儀，魏人，同事鬼

谷先生，並爲戰國說士。

【十二國】謂魯、衛、齊、楚、宋、鄭、魏、燕、趙、中山、秦、韓也。

【雌雄】猶勝負也。

【震懼】恐懼也。【連四

海之外以爲帶】言如帶之相連也。

【安知前後】猶言不知今昔之異勢也。

【或失門戶】謂被誅戮，喪其家室也。

【掌故】百石吏主故事者。

【鼓鐘于宮二句】見《詩小雅》。言苟有於中，必形於外。

【鶴鳴于九皋二句】見《詩小雅》。

舉，澤也，言處卑而聲高。【鶴鳴】小青雀也，飛則鳴，行則搖。【傳曰】至【何恤人之言】見荀子天論篇。【匈匈】喧

擾也。【水至清則無魚六句枉而直之六句】皆見（大戴禮）【黈纁】黃色之綿也，以黃綿爲丸，垂兩耳旁，示不聽不

急之言也。【許由】字武仲，堯讓由以天下，由逃之中嶽潁水之陽，箕山之下。【接輿】姓陸，名通，楚之隱者。【范蠡】見賈誼

過秦論上陶朱註。（史記）勾踐之栖會稽，蠡令卑辭厚禮以餌吳。【子胥】姓伍，名員，楚人，父奢，兄尚，爲平王所殺。子胥奔吳，後吳敗

越，越王勾踐請和，夫差許之，子胥諫不聽，太宰嚭譖之，於是夫差賜子胥死，盛以鸕夷而浮之江。【樂毅】詳見賈誼過秦論註。

【李斯】見奏議小傳。【酈食其】陳留高陽人，謁沛公說下陳留，號廣野君；又說齊下七十餘城。及韓信襲齊，齊以食其爲賣已，遂

烹之。【以蠶測海】蠶，瓠瓢也。【以莛撞鐘】莛，草莖也，謂窶莛也。（說苑）子路曰：「建天下之鳴鐘，撞之以莛，豈能發其音聲哉？」

【歸駒】小鼠也。【豚】猪子也。【咋】噉也。【靡】碎滅也。

解難

雄著太玄經，客有難之者，雄解之，號曰解難。

揚雄

漢成都人，字子雲，好學，博極羣書，口吃不能劇譚，而好沈思。成帝時爲郎，給事黃門，著有法言十卷，太玄經

及揚子雲集六卷。

客難揚子曰：「凡著書者，爲衆人之所好也；美味期乎合口，工聲調於比聲去

耳。今吾子乃抗辭幽說，閱意眇妙指，旨獨馳騁於有亡無通之際，而陶冶大鑪，旁薄

羣生，歷覽者茲同年矣，而殊不寤，但同費精神於此，而煩學者於彼，譬畫者畫於無形，絃者放於無聲，殆不可乎！

揚子曰：「俞！若夫閔言崇議，幽微之途，蓋難與覽者同也。昔人有觀象於天，視度於地，察法於人者。天麗且彌，地普而深，昔人之辭，迺玉迺金，彼豈好爲艱難哉？勢不得已也。獨不見夫翠虬同，絳螭瘳之將登乎天，必聳身於蒼梧之淵，不階浮雲，翼疾風，虛舉而上升，則不能搢載膠葛，騰九閔；日月之經不千里，則不能燭六合，耀八紘；宏泰山之高不嶮橋嶢強，則不能溱滂翁雲而散歛霖，烝是以宓儀氏之作易也，綿絡天地，經以八卦；文王附六爻；孔子錯其象而彖其辭；然後發天地之藏，定萬物之基。典謨之篇，雅頌之聲，不溫純深潤，則不足以揚鴻烈而章緝熙。蓋胥靡爲宰，寂寞爲尸，大味必淡，大音必希，大語叫叫，大道低回。是以聲之眇通者，不可同於衆人之耳；形之美者，不可棍通於世俗之目；辭之衍者，不可齊於庸人之聽。今夫絃者高張急徽，追趨逐者，嗜則坐者不期而附矣。試爲之

施咸池，俞六莖發簫韶，咏九成，則莫有和也。去是故鍾期死，伯牙絕絃鼓琴，而不肯與衆鼓；鏡人亡，則匠石斲斤，而不敢妄斲。師曠之調鐘，竢知音者之在後也；孔子作春秋，幾君子之前睹也。老聃有遺言：「貴知我者希。」此非其操歟！曲高和寡，安得盡桓譚而語之。老子有遺言：「貴知我者希。」自慰聊以自解耳。

【註釋】【比耳】比，和也。【茲年】言其久也。【愈】然也。【難與覽者同】言人不能盡見也。【天麗且彌】麗，著

也。彌，廣也。【虬螭】虬，龍子有角者。螭，若龍而黃。【蒼梧之淵】未詳。唐孔穎達曰：「九疑山即蒼梧山。」文穎曰：「九疑山半在蒼梧，

半在洞庭。」則此或即指洞庭湖，俟考。【機膠葛】機，搗持也。膠葛，上清之氣也。【九閼】九天之門。【月日之經】經，行也。

【八紘】八方之綱維也。【嶢嶢】山高貌。【淳】盛也。【滂】雲氣貌。【歛蒸】氣上出也。【八卦】乾、坎、艮、震、坤、離、兌、巽。

【六爻】每卦三爻，重之爲六。【象家】《周易正義》所謂十翼者：上象一、下象二、上象三、下象四、上繫五、下繫六、文言七、說卦八、

序卦九、雜卦十。又《象》大象也，總象一卦，故謂之大象。象，斷也，斷定一卦之義，所以名爲象也。【典謨】書之堯典、舜典、大禹謨、皋陶

謨、益稷謨也。【雅頌】詩之大雅、小雅、商頌、周頌、魯頌也。【緝熙】光明也。【胥靡爲宰】胥，相也。靡，無也。言相師以無爲作

宰者，指造化之神也。【寂寞爲尸】尸，主也，造化以寂寞爲主。【叫叫】遺聲也。【低回】紆衍也。【棍】同也。【徽】琴

徵也。【追趨逐者】言隨所趨嚮愛嗜而追逐之。【咸池】黃帝之樂。【擿六莖】擿，引也。六莖，顛頊樂也。【蕭韶九成】韶樂，言簫者，明其細樂之備也。成，終也。凡樂一終爲一成。【鍾期死，伯牙絕絃】楚人伯牙鼓琴，子期聽之，方鼓琴而志在泰山。子期曰：『巍巍乎若泰山。』既而志在流水。子期又曰：『湯湯乎若流水。』及子期死，伯牙破琴絕絃，終身不復鼓琴。【獲人亡則匠石斲斤】斲，一作斲，古之善塗墍者也。施廣領大袖以仰塗，而領袖不汗，有小飛泥，誤著其鼻，因令匠石揮斤而斲，知匠石之善斲，故敢使之也。【師曠調鐘】晉平公鑄鐘，工者以爲調矣。師曠曰：『臣竊聽之，知其不調也。』至於師涓而果知鐘之不調，是師曠調鐘，爲後世之有知音也。【幾】望也。【老聃遺言】（老子道德經）知我者希，則我貴矣。【操】操守也。

正交論

朱穆見比周傷義，偏黨毀俗，志抑朋游之私，遂著絕交之論。蔡邕以爲穆貞而孤，又作正交論，而廣其志焉。

蔡邕

東漢陳留圉人，字伯喈，性至孝，同居三世。靈帝時，拜郎中，與楊賜等奏定六經文字，立碑太學門外，尋以事

免官，董卓辟爲祭酒，累遷中郎將，後以卓黨死獄中。著有蔡中郎集六卷，獨斷二卷。

聞之前訓曰：『君子以朋友講習，而正人無有淫朋。』是以古之交者，其義敦以正，其誓信以固。逮夫周德始衰，頌聲旣寢；伐木有鳥鳴之刺，谷風有棄予之怨；其所由來，政之缺也。自此以降，彌以陵遲，或闕其始終，或彊上其比去周，是以縉紳患其然而論者諄諄如也。疾淺薄而貳攜者有之，惡朋黨而絕交遊者有之。

其論交也，曰：『富貴則人爭趨趨同之，貧賤則人爭去之。是以君子慎人所以交已，審已所以交人。富貴則無暴集之客，貧賤則無棄舊之賓矣。』故原其所以來，則知其所以去；見其所以始，則覩其所以終。彼貞士者，貧賤不待夫富貴，富貴不驕夫貧賤，故可貴也。蓋朋友之道，有義則合，無義則離；善則久要要平，不忘平生之言，惡則忠告聲入，善誨之，不可則止，無自辱焉。故君子不爲可棄之行，不患人之遺已也；信有可歸之德，不病人之遠已也。不幸或然，則躬自厚而薄責於人，怨其遠矣；求諸已而不求諸人，咎其稀矣。夫遠怨稀咎之機，咸在乎躬，莫之能改也。

子夏之門人，問交於子張，而二子各有聞乎夫子，然則以交誨也。商也寬，故告之以拒人；師也褊，故訓之以容衆；各從其行而矯之。至於仲尼之正教，則汎愛衆而親仁，故非善不喜，非仁不親，交遊以方，會友以文，可無貶也。穀梁子亦曰：『心志旣通，名譽不聞，友之罪也。』今將患其流而塞其源，病其末而刈其本，無乃未若擇其正而黜其邪，與其彼農皆黍，而獨稷焉。夫黍亦神農之嘉穀，與稷並

爲粢香盛成也；使交而可廢，則黍其愆矣。

括二論而言之：則刺薄者博而洽，斷交者貞而孤，孤有羔羊之節，與其不獲已而矯時也，走將從夫孤焉。

有是言者，未必有是行；邕而知此，當不至有殺身之禍。

【註釋】【君子以朋友講習】見《易兌卦》。【伐木鳥鳴】《詩小雅伐木篇》相彼鳥矣，猶求友聲；矧伊人矣，不求友生。

蓋刺人之不如鳥也。【谷風棄子】《詩小雅有谷風之什，刺幽王也。天下俗薄，朋友道絕，篇中有將安將樂，女轉棄子等句。

【陵遲】猶陵夷也。【比周】比，近也。周密也。【諄諄】詳熟也。《詩大雅》誨爾諄諄。【貳攜】貳，疑也。攜，離也。【久要】久約也。

【商也寬二句】商，子夏名。子夏曰：『可者與之，其不可者拒之。』【師也編二句】師，子張名。子張曰：『君子尊賢而容衆。』又曰：

『於人何所不容。』【穀梁子】名淑，一名赤，又名喜，字元始，魯人，傳春秋。【黍稷】黍，禾屬之黏者。稷，高粱也。【粢盛】黍稷曰

粢，在器曰盛。【孤有羔羊之節】羔羊，小羊也。《周禮大宗伯》卿執羔。《註》取其羣而不黨也。言子處有羔羊不黨之節，苟非不得

已而矯時，自無取乎子處，此因朱穆絕交論，而廣其志之本旨也。

汝穎優劣論

漢汝南郡，領縣三十七，治今河南汝南縣東南。潁川郡領縣二十，治今河南禹縣。○融以汝南士勝潁

川士。陳長文難曰：『頗有燕齊唐突人參也。』融答之云云。按長文，名羣，潁川許昌人。燕齊，芥屬，根多肉，扁圓，可供食。

孔融

東漢人，字文舉，孔子二十世孫。少有俊才，獻帝時爲北海相，立學校，表儒術，尋拜大中大夫。值漢室之末，志

在靖亂，後爲曹操所忌，被誅。有孔北海集一卷。

汝南戴子高，親止千乘萬騎，與光武皇帝共拱讀如揖於道中；潁川士雖抗節，

未有頡頏天子者也。汝南許子伯，與其友人共說世俗將壞，因夜起，舉聲號哭；潁

川士雖頡憂時，未有能哭世者也。汝南許掾，教太守鄧晨圖開稻陂，坡灌數萬頃，

累世獲其功，夜有火光之瑞；韓元長雖好地理，未有成功見效如許掾者也。汝南

張元伯，身死之後，見夢范巨卿；潁川士雖有奇異，未有鬼神能靈者也。汝南應世

叔，讀書五行俱下；潁川士雖多聰明，未有能離婁並照者也。汝南李洪，爲太尉掾，

弟殺人當死，洪自劾，詣閣乞代弟命，便飲酖而死，弟用得全；潁川士雖尚節義，未

有能殺身成仁如洪者也。汝南翟文仲，爲東郡太守，始舉義兵以討王莽；潁川士

雖疾惡，未有能破家爲國者也。汝南袁公著，爲甲科郎中，上書欲治梁冀；潁川士

雖慕忠讜，未有能投命直言者也。

比較優劣處，仍是滿腔諷世意，歷舉八事，戛然而止，不嫌堆垛者，以其詞之雋雅耳。

【註釋】【戴子高】名邈，汝南慎陽人。平帝時，爲御史。王莽篡位，稱病歸里，家富，好施尙俠，時稱爲關東大豪。【顏頡】烏飛貌，

上曰頡，下曰頡。【許掾】名楊，字偉君，汝南平輿人。汝南舊有鴻隙陂，成帝時，丞相翟方進奏毀敗之。建武中，太守鄧晨，聞楊曉水脈，

署爲都水掾。楊因高下形勢，起塘四百餘里，百姓得其便，累歲大稔。【鄧晨】字偉卿，新野人。漢光武時，爲汝南太守，封西華侯。

【韓元長】名融，潁川舞陽人。詔子，少能辨理，而不爲章句學，聲名甚盛，五府並辟。獻帝初，至太僕。【張元伯夢范巨卿】元伯

名勛，汝陽人。巨卿名式，勛與爲友。勛死見夢於式曰：『吾於某日葬，子能及乎？』式奔赴，喪已發，棺不肯前。母曰：『元伯豈有望。』須臾，

式白馬素衣，號泣而來，因執紼引柩而前，世稱爲死友。【應世叔】名奉，汝南南頓人。自爲兒童及長，凡所經歷，莫不暗記，讀書五行

並下。嘗錄四十二縣囚徒數百千人，能口說罪繫姓名，坐狀輕重。【李洪】（御覽）作鴻，事實未詳。【翟文仲】名義，王莽居攝，義

乃謂陳豐曰：『新都侯攝天子位，故擇宗室幼穉者，以爲孺子，依託周公輔成王之義，且以觀望，必代漢家。方今天下衰弱，外無強藩，吾

常爲國討賊，以安社稷。』起兵討莽，不克而死。【袁著】（後漢書梁冀傳）汝南袁著，年十九，見冀凶縱，不勝其憤，乃詣闕上書。冀聞

而密遣掩捕著，笞殺之。（按）冀字伯卓，任大將軍，毒弑質帝。桓帝時伏誅。

典論論文

（隋書經籍志）典論五卷，魏文帝撰。案典論於明帝時刊石，至唐時石本亡。此即典論中之一篇也。

論辨 汝穎優劣論 典論論文

魏文帝

曹操長子，名丕，篡漢，都洛陽，爲三國魏之始祖，在位六年，性好文學，博聞強識，以著述爲務，有魏文帝集。

文人相輕，自古而然。傅毅之于班固，顧音伯仲之間耳；而固小之，與弟超書曰：「武仲以能屬作文，爲蘭臺令史，下筆不能自休。」夫人善于自見，而文非一體，鮮能備善，是以各以所長，相輕所短。里語曰：「家有弊帚，享之千金。」斯不自見之患也。

今之文人：魯國孔融、文舉，廣陵陳琳、孔璋，山陽王粲、仲宣，北海徐幹、偉長，陳留阮瑀、羽元瑜，汝南應瑒、陽德璉，連東平劉楨、公幹，斯七子者，于學無所遺，于辭無所假，咸以自騁驥驟，錄於千里，仰齊足而並馳，以此相服，亦良難矣。蓋君子審己以度聲入人，故能免于斯累，而作論文。王粲長于辭賦，徐幹時有齊氣，然粲之匹也。如粲之初征，登樓槐賦、征思、幹之玄猿、漏卮、圓扇、橘賦，雖張蔡不過也；然于他文，未能稱是。琳瑀之章表、書記，今之雋也。應瑒和而不壯，劉楨壯而不密。孔融體氣高妙，有過人者，然不能持論，理不勝詞，以至於雜以嘲戲，及其所善，揚班儔也。

常人貴遠賤近，向聲背實，又患闇于自見，謂己爲賢。夫文本同而未異，蓋奏議宜雅，書論宜理，銘誄尙實，詩賦欲麗，此四科不同，故能之者偏也；唯通才能備其體。文以氣爲主，氣之清濁有體，不可力强而致。譬諸音樂，曲度雖均，節奏同檢，至于引氣不齊，巧拙有素，雖在父兄，不能以移子弟。蓋文章，經國之大業，不朽之盛事。年壽有時而盡，榮樂止乎其身，二者必至之常期，未若文章之無窮。是以古之作者，寄身于翰墨，見意于篇籍，不假良史之辭，不託飛馳之勢，而聲名自傳于後。故西伯幽而演易，周旦顯而制禮；不以隱約而弗務，不以康樂而加思。夫然，則古人賤尺璧而重寸陰，懼乎時之過已；而人多不強力。貧賤則懾于飢寒，富貴則流于逸樂，遂營目前之務，而遺千載之功。日月逝于上，體貌衰于下，忽然與萬物遷化，斯志士之大痛也。

融等已逝。唯幹著論，成一家言。

揚抑七子，不作一滿志語，便隱然有通才自命之意；雖不免言大而夸，而卓識

名論，要自千古不磨。卽就此文論，雅健深穩，亦非七子所能望其項背。

【註釋】【傅毅】字武仲，漢茂陵人。章帝時，爲蘭臺令史，拜郎中，與班固賈逵同典校書，早卒，所著有詩、賦、誄、頌、連珠，凡二十八篇。

【班固】見序跋小傳。【超】字仲升，少有大志，嘗投筆歎曰：「大丈夫當立功異域，安能久事筆硯間乎？」明帝時，使西域，服西域五十餘國，任西域都護，封定遠侯。【蘭臺令史】官名，掌檢校祕籍。【家有弊帚二句】語出東觀漢記，以喻人不自見其短。

【魯國】今山東曲阜縣。【孔融】見論辨小傳。【廣陵】今江蘇江都縣。【陳琳】見書牘小傳。【山陽】今江蘇淮安縣。

【王粲】見論辨小傳。【北海】今山東濰光縣。【徐幹】字偉長，北海人，爲司空軍謀祭酒，掾屬五官將文學，著有中論。

【陳留】今河南陳留縣。【阮瑀】字元瑜，陳留人，嘗受學於蔡邕，曹操辟爲司空軍謀祭酒，管記室。一時書檄，多出其手，有阮元瑜集。

【汝南】見汝穎優劣論題註。【應瑒】字德璉，應劭弟。建安初，曹操辟爲丞相掾屬，轉平原侯庶子，後爲五官將，以文學著名，有應德璉集。

【東平】今山東東平縣。【劉楨】見書牘小傳。【驥騮】良馬名。【齊氣】齊俗文體舒緩，徐幹亦有斯累。

【張蔡】張衡，蔡邕也。衡，字平子，漢南鄉西鄉人，善屬文，通五經，作二京賦，構思十年乃成，官至尚書，蔡見論辨小傳。【揚班】揚雄，班固也，揚見論辨小傳。

【向聲背實】正重虛聲，不求實際。【曲度二句】謂曲度節奏，無不同此法度也。【西伯】紂囚文

王於羑里，因推演易象作卦，爻里，殷獄名。【周旦】周公且相成王，制禮作樂，成周官書。【唯幹著論二句】（魏文帝與吳質

書）偉長者中論二十餘篇，成一家之言，辭義典雅，足傳於後。

周成漢昭論

周成王，名誦，武王子。漢昭帝，武帝少子，名弗陵，後但名弗，以二名難諱故，按史記證法解，安民立政曰

魏文帝

或方周成王於漢昭帝，僉高成而下昭。

余以爲周成王體上聖之休氣，稟賢妣之貽誨；周召爲保傅，呂尚爲太師。——口能言則行人稱辭，足能履則相者導儀；目厭鑿同威容之美，耳飽仁義之聲；所謂沈漬玄流，而沐浴清風者矣。猶有咎悔，聆二叔之謗，使周公東遷，皇天赫怒，顯明厥咎，猶啓諸金縢，稽諸國史，然後乃悟。不亮周公之聖德，而信金縢之教言，豈不暗哉！

夫孝昭，父非武王，母非邑姜，養惟蓋主，相則桀光。體不承聖，化不胎育，保無仁孝之質，佐無隆平之治；所謂生於深宮之中，長於婦人之手。然而德與性成，行與體并，年在二七，早智夙達，發燕書之詐，亮霍光之誠；豈將有啓金縢，信國史，而後乃悟哉！

使夫昭成均年而立，易世而化，賀臣而治，換樂而歌，則漢不獨少，周不獨多也。

兩兩比較，成固庸主，而昭乃英主耳。漢不獨少，周不獨多，尙非定論。

【註釋】【上聖賢妣】言得武王爲父，邑姜爲母也。

【召】召公，名奭，與周且同爲武王臣，封於燕。

【呂尙】見答客難。

【保傅太師】（書周官）立太師、太傅、太保，茲惟三公，少師、少傅、少保，曰三孤。【行人】周有大行人之官，掌善詞令，接賓客。

【玄

流】猶言清流也。【二叔】管叔鮮、蔡叔度，皆武王弟。武王崩，成王幼，周公攝政，管蔡流言於國曰：『公將不利於孺子。』周公乃避居

東都，其後王迎周公歸，管蔡懼，挾紂子武庚叛。王命周公討之，殺武庚，誅管囚蔡，其亂始平。

【皇天赫怒五句】金縢，周書篇名。武

王疾，周公禱於三王，請以身代，史納其祝冊於金縢之匱中。其後周公以管蔡流言，避居東都，是歲秋大熟，未穫，天大雷電以風，禾盡偃，

大木斯拔。王大恐，與羣臣啓金縢之匱，見周公請代武王之事，執書以泣，乃出郊迎周公。天乃雨，反風，禾盡起，歲大熟。

【蓋主】即帝

姊鄂邑長公主也。【桀光】上官桀，霍光（漢書）大將軍光秉政，領尙書事，車騎將軍金日磾，左將軍上官桀副焉。【發燕書之詐

二句】上官桀父子，爲了外人求封侯，霍光不許，蓋主怨光，桑弘羊欲爲子弟得官，亦怨恨光。於是皆與燕王且通謀，詐令人爲燕王書，

言光專權自恣，疑有非常。昭帝謂光曰：『是書詐也，將軍無罪。』又曰：『大將軍忠臣，敢有毀者，坐之。』是時昭帝年僅十四也。

【賀臣】

賀、易也。

相論

曹植

三國魏文帝之弟，操第三子也。字子建，十歲善屬文，授筆立成，後封陳王。既就國，每欲求別見，幸冀試用，終不能得，悵然絕望，遂發疾薨。謝靈運嘗言：「天下文章只一石，子建獨得八斗。」其推重如此。所著詩文，有曹子建集，凡

十卷。

世固有人身瘠而志立，體小而名高者；於聖則否。是以堯眉八采，舜目重瞳，禹耳參_三漏，文王四乳。然則世亦有四乳者，此則駑馬一毛似驥爾！

宋臣有公孫呂者，長七尺，面長三尺，廣三寸，名震天下。若此之狀，蓋遠代而求，非一世之異也。使形殊於外，道合其中，名震天下，不亦宜乎？語云：『無憂而戚，憂必及之；無慶而歡，樂必隨之。』此心有先動，而神有先知，則色有先見也。故扁鵲見桓公，知其將亡；申叔見巫臣，知其竊妻而逃也。

荀子曰：『以爲天不知人事邪？則周公有風雷之災，宋景有三舍之福；以爲知人事邪？楚昭有弗禱_詠之應，邾文無延期之報。』由是言之，則天道之與相占，

可知而疑，不可得而無也。

古今迷信之事，是是非非，雖哲學家亦難剖析；相亦其一端也。文亦以不解解之。

【註釋】【八采】眉如八字，有光彩也。

【參漏】漏，竅也。

【扁鵲見桓公】扁鵲，姓秦，名越人。少受禁方於長桑君，嘗過齊，桓侯

齊，且告師期。巫臣盡室以行，申叔跪從其父，將適鄆，遇之，曰：『異哉！夫子有三軍之懼，而又有桑中之喜，宜將竊妻以逃者也。』【荀子

名況，趙人。其學宗孔氏，惟倡性惡之說，與孔孟之旨稍異。】

【周公風雷之災】見上篇皇天赫怒注。【宋景有三舍之福】

爨惑守心心，宋之分野也。景公憂之，司星子章曰：『可移於相。』景公曰：『相，吾之股肱。』曰：『可移於民。』景公曰：『君者待民。』曰：『可移於

歲。』景公曰：『歲饑民困，吾誰爲君？』子章曰：『天高聽卑。若有君人之言三，爨惑宜有動。』於是候之，果徙三度。【楚昭有弗祭之應】

祭，祭名。楚昭王病，有赤雲如鳥，夾日而蜚。昭王問周太史。太史曰：『是害於楚王，然可移於將相。』將相聞是言，乃請自以身禱於神。昭王

曰：『將相孤之股肱也。』弗聽。河爲崇，大夫請禱，昭王不許，未幾卒。【邾文無延期之報】（左傳文十三年）邾文公卜遷於繹。史

曰：『利於民而不利於君。』公曰：『民苟利矣，吉莫如之。』遂遷於繹。五月，邾文公卒。

籍田說（禮祭義）天子爲籍千畝，諸侯爲籍百畝（五經要義）天子籍田，以供上帝之粢盛，所以先百姓而致孝養也。籍

田說（禮祭義）天子爲籍千畝，諸侯爲籍百畝（五經要義）天子籍田，以供上帝之粢盛，所以先百姓而致孝養也。籍

田說（禮祭義）天子爲籍千畝，諸侯爲籍百畝（五經要義）天子籍田，以供上帝之粢盛，所以先百姓而致孝養也。籍

籍田說

（禮祭義）天子爲籍千畝，諸侯爲籍百畝（五經要義）天子籍田，以供上帝之粢盛，所以先百姓而致孝養也。籍

田說，言親自蹈履於田而耕之也。

曹植

春耕於籍田，郎中令侍寡人焉。

顧而謂之曰：「昔者神農氏始嘗萬草，教民種植。今寡人之興此田，將欲以擬乎治國，非徒娛耳目而已也。夫營疇萬畝，厥田上下，經以大陌，帶以橫阡，奇柳夾路，名果被園，宰農實掌，是謂公田，此亦寡人之封疆也；日殄沒而歸館，晨未听而卽野，此亦寡人之先下也；菽蠶賈特疇，禾黍異田，此亦寡人之理政也；及其息泉涌，庇重平陰，懷有虞，撫素琴，此亦寡人之所習樂也；蘭蕙荃蘅，植之近疇，此亦寡人之所親賢也；刺藜臭蔚，棄之乎遠疆，此亦寡人之所遠佞也。若年豐歲登，果茂菜滋，則臣僕小大，咸取驗焉。」

樸茂淵雅，逼似西京。

【註釋】【郎中令】秦官，九卿之一，掌宮殿門戶，統屬諸郎官。漢武帝太初元年，更名光祿勳。【神農】以教民耕農得號；又嘗

百草，知其性，爲民療病。【疇】耕治之田也。【大陌橫阡】（風俗通）南北曰阡，東西曰陌，河東以東西爲阡，南北爲陌。【宰

【農】一作司農。【殄沒】說文殄盡也。猶言日盡沒也。【昕】明也。【先下】左傳將求於人必先下之禮之善物也。

【菽藿】爾雅釋草藿芄蘭。注菽芄蔓生，斷之有白汁可啜。【息泉涌】言休息於湧泉之處。【蘭蕙荃蘅】一幹一花而

香有餘者爲蘭，一幹數花而香不足者爲蕙。荃亦香草，蘅似葵而香。【刺藜臭蔚】刺藜，蒺藜也。臭蔚，牡蒿也。

又

曹植

封人有能以輕鑿修鉤，去上聲樹之蝟胡葛切者，樹得以茂繁。

中舍人曰：「不識治天下者，亦有蝟者乎？」寡人告之曰：「昔三苗共工、鯀、驩兜、非堯之蝟歟？」

問曰：「諸侯之國，亦有蝟乎？」寡人告之曰：「齊之諸田，晉之六卿，魯之三桓，非諸侯之蝟歟？然三國無輕鑿修鉤之任，終於齊篡，魯弱，晉國以分，不亦痛乎？」
曰：「不識爲君子者，亦有蝟乎？」寡人告之曰：「固有之也。富而慢，貴而驕，殘仁賊義，甘財悅色，此亦君子之蝟也。天子勤耘，以牧一國；大夫勤耘，以收世祿；君子勤耘，以顯令德。夫農者始於種，終於穫。澤旣時矣，苗旣美矣，棄而不耘，則改

爲荒疇。蓋豐年者期於必收，譬修道亦期於歿身也。夫凡人之爲圃，各植其所好焉；好甘者植乎薺，好苦者植乎荼，好香者植乎蘭，好辛者植乎蓼。至於寡人之圃，無不植也。」

此又一副筆墨，似陶冶於禦寇者。

【註釋】【封人】封疆之官。見《周禮地官》。

【鑿】穿木器。

【蝸】柔蠹也。

【三苗共工鯀驩兜】堯時之四凶。

【齊

之諸田三句】

齊自田常得政，弑簡公，立平公。數傳至康公，常曾孫和，遷之於海濱，田氏始爲諸侯。晉六卿，謂韓、魏、趙、智、范、中行也。

後智氏滅范氏，中行氏、韓、趙、魏三家，又滅智氏，而分晉國。魯三桓，孟孫、叔孫、季孫，皆桓公之後，擅權於魯，公室頓弱。

【薺】甘菜。

【荼】苦菜。【蘭】香草。【蓼】辛菜。

鬻體說

鬻體，死人首也。晉獨樓。

曹植

曹子遊乎陂

碑

塘之濱，步乎藜穢之藪，如叶讀蕭條潛虛，經幽踐阻，顧見鬻體，

塊然獨處，

上聲

於是伏軾而問之曰：「子將結纓首劍，殉國君乎？將被堅執銳，斃三

軍乎？將嬰茲固疾，命隕傾乎？將壽終數極，歸幽冥乎？」叩遺骸而歎息，哀白骨之

無靈；慕嚴周之適楚，儻託夢以通情。

於是伴

補耕切

若有來，悅

恍同

若有存，景

影同

見

去聲

容隱，厲聲而言曰：

「子，何國之

君子乎？」

既枉輿駕，愍

閔其枯朽，不惜咳唾之音，而慰以若言，子則辯於辭矣；然未

達幽冥之情，識死生之說也。夫死之爲言歸也。歸也者，歸於道也。道也者，身以無形爲主，故能與化推移，陰陽不能更，四時不能虧。是故洞於纖微之域，通於恍惚之庭；望之不見其象，聽之不聞其聲；挹之不沖，注之不盈，吹之不凋，噓之不榮，激之不流，凝之不渟，寥落冥漠，與道相拘，梁偃然長寢，樂莫是踰。」

曹子曰：「予將請之上帝，求諸神靈，使司命輟籍，反子骸形。」於是鬻體長

呻廓然歎曰：「甚矣！何子之難語。」

通悟出莊子

也。昔太素氏不仁，無故勞我以形，苦我

以生。今也幸變而之死，是反吾真也。何子之好勞，而我之好逸乎？子則行矣，予將

歸於太虛。」

於是言卒響絕，神光霧除，顧將旋軫，乃命僕夫，拂以玄塵，主覆以縞巾，爰將

於是言卒響絕，神光霧除，顧將旋軫，乃命僕夫，拂以玄塵，主覆以縞巾，爰將

藏彼路濱，覆以丹土，翳以綠榛。夫存亡之異勢，乃宣尼之所陳，何神憑之虛對，云死生之必均。

變一死生之說，而以爲生不如死，殷憂惻惻，如見其心。

【註釋】

【陂】池也。

【藪】草盛貌。

【藪】無水曰藪。

【蕭條潛虛】狀其荒涼也。

【結纓首劍】（左傳）石乞孟獻子路，以戈擊之，斷纓。子路曰：「君子死，冠不免，結纓而死。」首劍，以首就劍也。

【嬰固疾】嬰，加也。固疾，久病也。

【嚴周適楚】嚴周，卽莊周也。漢明帝諱莊，故改爲嚴。（莊子）莊子之楚，見空髑髏，髑髏有形，髑髏，白骨貌，虛交切。

【佯若有來】佯，使也，猶曰若或使之來也。

【沖】（玉篇）虛也。

【渟】（埤蒼）水止也。

【與道相拘】拘，止也。（莊子）達生

篇吾處身也，若厥株拘。（注）厥，豎也，豎若株拘也。

【太素氏】（白虎通）始起之天，先有太初，後有太始，形兆既成，名曰太素。【塵】

鹿類，古以塵尾爲拂塵，故謂拂塵曰塵尾，亦省稱塵。

難鍾荀太平論

王 粲

三國魏高平人，字仲宣，避亂依劉表於荊州，貌短小，體陋，博物多識。蔡邕奇其才，聞粲在門，倒屣出迎。後仕魏，

果官侍中，爲建安七子之一。

聖莫盛于堯，而洪水方割，丹朱淫虐，四族凶佞矣；帝舜因之，而三苗畔戾矣；禹又因之，而防風爲戮矣。此三聖古之所大稱也，繼踵相承，且二百年，而刑罰未嘗一世而乏也。然則此三聖能平；三聖能平，則何世能致之乎？孔子稱曰：『唯上智與下愚不移。』不移者，丹朱、四凶、三苗之謂也。

當紂之世，殷罔不小大，好草竊姦宄。軌周公遷殷頑民于洛邑，其下愚之人，必有之矣。周公之于三聖，不能踰也。三聖有所不化矣，有所不移矣。周公之不能化殷之頑民，所可知也。苟不可移，必或犯罪，罪而弗刑，是失所也；犯而刑之，刑不可錯矣。孟軻有言：『盡信書，不如無書。』有大而言之者，刑錯之屬也。豈億兆之民，歷數十年而無一人犯罪，一物失所哉？謂之無者，盡信書之謂也。

庖丁解牛，舉刃皆中肯綮。周公之不能踰三聖，億兆之民，不能歷數十年而無一人犯罪，已破刑錯一語之的，而歸於盡信書之誤，尤爲善於措詞。

【註釋】【割】害也。（書堯典）洪水方割。

【丹朱】堯子。

【四族】渾敦、窮奇、檮杌、饕餮也。

【三苗】國名，縉雲氏之後，世

爲諸侯。【防風】國名。《史記夏禹本紀》禹會塗山，防風後至，誅之。【殷罔不小大二句】見《商書微子之命篇》。草竊，草野竊盜也，在外曰竊，在內曰究。【三聖能平二句】反言也。【錯】置而不用也。

序跋

離騷贊序

班固

東漢扶風安陵人，字孟堅，彪之長子。博覽羣籍。明帝時，典校祕書，續成父志，著有漢書一百二十卷。白虎通

義漢武故事漢武內外傳各一卷。

離騷者，屈原之所作也。

屈原初事懷王，甚見信任。同列上官大夫妒害其寵，讒之王，王怒而疏屈原。屈原以忠信見疑，憂愁幽思而作離騷——離，猶遭也，騷，憂也，明已遭憂作辭也。是時周室已滅，七國並爭。屈原痛君不明，信用羣小，國將危亡，忠誠之情，懷不能已，故作離騷。——上陳堯舜禹湯文王之法，下言羿、澆、桀、紂之失，以風去聲同下懷王，終不覺悟，信反間去聲之說，西朝于秦，秦人拘之，客死不還。至于襄王，復用

讒言，逐屈原。在野，又作九章賦以風諫，卒不見納，不忍濁世，自投汨羅。

原死之後，秦果滅楚。其辭爲衆賢所悼悲，故傳於後。

屈原死而楚見滅以秦，其關係於國家如此，固不獨其文辭之足傳也。

【註釋】【屈原】名平，楚之同姓，爲三閭大夫。懷王愛其才，斬尙黷譖而疏之，乃作離騷，冀王感悟，襄王時，復用讒譖原於江南。原

作漁父諸篇以見志，於五月五日，自沈汨羅江而死。【懷王】名熊槐，威王子。【上官大夫妒害其寵】懷王使屈原造爲憲

令，原屬草稿未定。上官大夫靳尙，見而欲奪之。原不與，因讒之曰：「王使屈平爲令，衆莫不知，每一令出，平伐其功。」以爲非我莫能

爲也。王怒而疏屈原。【西朝於秦二句】秦昭王欲與懷王會，懷王入武關，秦留之，以求割地。懷王怒，不聽，亡走趙。趙不納，復之

秦，竟死於秦而歸葬。【羿】夏時有窮國君之號，篡夏，爲寒泥所殺。【澆】寒泥之子，後滅於夏少康。【襄王】卽頃襄王，名橫，懷

王之子。【九章】楚辭篇名。【汨羅】二水名，合流曰汨羅江，在今湖南湘陰縣北，西流入湖。

楚辭章句敘

王逸

東漢宣城人，字叔師，初爲校書郎。順帝時遷侍中，著有楚辭章句等書。

敘曰：昔者孔子觀_鮒聖明喆_同天生不羣，定經術，刪詩書，正禮樂，制作春秋，

以爲後王法，門人三千，罔不昭達。臨終之日，則大義乖而微言絕。其後周室衰微，戰國並爭，道德陵遲，譎詐萌生。于是楊墨、鄒孟、孫韓之徒，各以所知，著造傳記，或以述古，或以明世。

而屈原履忠被譖，憂悲愁思，獨依詩人之義，而作離騷，上以諷諫，下以自慰；遭時闇亂，不見省納，不勝憤懣，遂復作九歌以下，凡二十五篇。楚人高其行義，璋羽鬼切其文采，以相教傳。至于孝武帝，恢廓道訓，使淮南王安作離騷經章句，則大義粲然，後世雄俊，莫不瞻慕，舒肆妙慮，續述其詞。逮至劉向，典校經書，分爲十六卷。孝章卽位，深弘道藝，而班固賈逵，復以所見，改易前疑，各作離騷經章句。其餘十五卷，闕而不說，又以壯爲狀，義多乖異，事不要括。今臣復以所識所知，稽之舊章，合之經傳，作十六卷章句，雖未能究其微妙，然大指之趣，略可見矣。

且人臣之義，以忠正爲高，以伏節爲賢，故有危言以存國，殺身以成仁。是以伍子胥不恨于浮江，比干不悔于剖心，然後忠立而行成，榮顯而名著。若夫懷道

以迷國，佯愚而不言；顛則不能扶，危則不能安；婉婉晚以順上，逡巡以避患；雖保黃耇，苟終壽百年，蓋志士之所恥，愚夫之所賤也。今若屈原膺忠貞之質，體清潔之性，直若砥矢，言若丹青，進不隱其謀，退不顧其命；此誠絕世之行，俊彥之英也。而班固謂之露才揚己，競于羣小之中，怨恨懷王，譏刺椒蘭，苟欲求進，強非其人，不見容納，忿恚胡桂切自沈，是虧其高明，而損其清潔者也。昔伯夷、叔齊，讓國守分，不食周粟，遂餓而死，豈可復謂有求于世而怨望哉？且詩人怨主，刺上曰：『嗚呼小子！未知臧否，匪面命之，言提其耳。』風諫之語，于斯爲切。然仲尼論之，以爲大雅。引此比彼，屈原之詞，優游婉順，寧以其君不智之故，欲提攜其耳乎？而論者以爲露才揚己，怨刺其上，強非其人，殆失厥中矣。

夫離騷之文，依託五經以立義焉；帝高陽之苗裔，則「厥初生民，時惟姜嫄」也；「紉秋蘭以爲佩，」則「將翱將翔，佩玉瓊琚」也；「夕攬洲之宿莽，」則易「潛龍勿用」也；「騶玉虬而乘鸞，」則「時乘六龍以御天」也；就「重華」

而陳詞，則尚書「咎高繇遙之謀謨」也；「登崑崙而涉流沙」則禹貢之

「敷土」也。故智彌盛者，其言博；才益多者，其識遠。屈原之詞，誠博遠矣。自終沒以來，名儒博達之士，著造詞賦，莫不擬則其儀表，祖式其模範，取其要妙，竊其華藻。所謂金相玉質，百世無匹，名垂罔極，永不刊滅者矣。

平爲南方文學之祖。離騷原本於五經，自是定論。露才揚己云云，適見孟堅之淺。

【註釋】【勸】一作睿，明也。【大義乖而微言絕】（漢書藝文志）仲尼沒而微言絕，七十子喪而大義乖。【楊】楊朱，周時

人。禽子問楊朱曰：『去子體之一毛，以濟一世，汝爲之乎？』楊朱曰：『世固非一毛之所濟。』【墨】墨翟，見賈誼過秦論上。【鄒】鄒衍，

齊臨淄人。燕昭王築碣石宮，師事之。昭王薨，惠王信讒，下衍獄，夏月爲之降霜。【孟】孟軻，鄒人，受業於子思之門人。道既通，游事齊

宣王，宣王不能用；適梁，梁惠王不果所言；乃退而與萬章之徒，序詩書，述仲尼之意，作孟子七篇。【孫】孫武，齊人，以兵法見吳王闔

閭，用爲將，西破強楚，北威齊晉，遂霸諸侯，著孫子十三篇，爲兵家所祖。【韓】韓非，韓之諸公子，喜刑名法術之學，而歸本於黃老，與

李斯並事荀卿，斯自以爲不如，後使於秦，爲斯所讒，仰藥死。嘗作孤憤、五蠹、內外儲、說難等五十五篇，十餘萬言。【璋】（博雅）璋，重

也。【淮南王安】淮南厲王長之子，初封阜陵侯。文帝十六年，封淮南王。【劉向】見奏議小傳。【班固】見序跋小傳。【賈

序跋 楚辭章句敘

遼】字景伯，平陵人。弱冠能誦左氏傳。永平中，獻左氏傳解詁三十篇，國語解詁二十一篇。明帝重其書，寫藏祕館，命與班固共校祕

書。章帝時，使選公羊嚴顏諸生高才者二十人，教以左氏，由是左傳始盛行。【殺身成仁】（論語）志士仁人，無求生以害仁，有殺

身以成仁。【伍子胥】見東方朔答客難註。【比干】殷紂諸父，彊諫紂。紂怒曰：「吾聞聖人心有七竅，剖比干，觀其心。」【婉婉】

柔順也。（禮內則）姆教婉婉聽從。【黃耆】耆，老也。（詩大雅）以祈黃耆。【丹青】（揚子法言）聖人之言，炳若丹青。【露才

揚己】（班固離騷序）今若屈原，露才揚己，競乎危國羣小之間，以離讒賊，然責數懷王，怨惡椒蘭，愁人苦思，強非其人，忿懣不容，沈

江而死。多稱崑崙冥婚宓妃虛無之語，皆非法度之政。經義所載，謂之兼詩風雅，而與日月爭光，過矣。【恚】恨也。【伯夷叔齊】

孤竹君之二子。父欲立叔齊，及父卒，叔齊讓伯夷。伯夷不肯立，而逃去。武王伐殷，夷齊叩馬而諫。周既克殷，有天下，夷齊恥食周粟，隱於

首陽山，采薇而食，遂餓死。【嗚呼小子四句】見（詩大雅）【高陽】高陽，顓頊有天下之號。【厥初生民二句】見（詩

大雅）周后稷，名棄，其母有邠氏女曰姜嫄，爲帝嚳元妃。見（史記周本紀）【緜秋蘭以爲佩】句見（楚辭離騷）緜，束也。佩，帶也。

【將翱將翔，佩玉瓊琚】見（詩鄭風）【夕攬洲之宿莽】見（楚辭離騷）草冬生不死者，楚人名宿莽。【潛龍勿用】

見（易乾卦）【駟玉虬而乘鸞】句見（楚辭離騷）虬，龍子有角者，言以虬爲駟也。鸞，鳳凰別名。【時乘六龍以御天】見

（易乾卦）【就重華而陳詞】句見（離騷）重華，帝舜號。（書舜典）重華協于帝。【咎繇】即皋陶，舜士師。虞書有皋陶謨篇。

【敷土】（書禹貢）禹敷土。（註）布治九州之土。【崑崙】山名，在今新疆西藏之間。【流沙】（書禹貢）西至于流沙，今西海居

焉澤是也。【祖式】祖述於式也。【金相玉質】相，亦質也。（詩大雅）追琢其章，金玉其相。

詩譜敘

譜，布也，謂敘錄之也。原有圖，今亡。清馬驥曾補之。見（釋史）

鄭玄

東漢高密人，字康成。少爲鄉耆夫，以不樂爲吏，遂造太學受業，博通諸經，及三統曆九章算術等。後事扶風馬融，游學十餘年，及歸，弟子自遠方至者數千人。建安時，徵爲大司農，卒。所注周易、尚書、毛詩、儀禮、禮記、論語、孝經、尚書大傳，及諸經說，凡百餘萬言。唐貞觀中，從祀孔廟。宋大中祥符中，封高密伯。

詩之興也，諒不于上皇之世。大庭軒轅，逮于高辛，其時有亡，通載籍亦蔑云焉。虞書曰：『詩言志，歌永言，聲依永，律和聲。』然則詩之道放上于此乎？

有夏承之，篇章泯棄，靡有子遺。邇及商王，不風不雅。何者？論功頌德，所以將順其美；刺過譏失，所以匡救其惡；各于其黨，則爲法者彰顯；爲戒者著明。

周自后稷，播種百穀，黎民阻饑，茲時乃粒，自傳于此名也。陶唐之末，中葉公劉，亦世修其業，以明民共供財。至于太王王季，克堪顧天。文武之德，光熙前緒，以集大命于厥身，遂爲天下父母，使民有政有居。其時詩風有周南召南，雅有鹿鳴文王之屬。及成王周公，致太平，制禮作樂，而有頌聲興焉，盛之至也，本之繇同此風雅而來，故皆錄之，謂之詩之正經。

後王稍更陵遲。懿王始受譖，亨烹同齊哀公。夷身失禮之後，邲佩不尊賢。自是而下，厲也幽也，政教尤衰，周室大壞。十月之交，民勞板蕩，勃爾俱作，衆國紛然，刺怨相尋。五霸之末，上無天子，下無方伯，善者誰賞，惡者誰罰，紀綱絕矣。故孔子錄懿王夷王時詩，訖于陳靈公淫亂之事，謂之變風變雅。以爲勤民恤功，昭事上帝，則受頌聲，弘福如彼，若違而勿用，則被劫殺，大禍如此。吉凶之所繇，憂娛之萌漸，昭昭在斯，足作後王之鑒，于是止矣。

夷厲以上，歲數不明。太史年表，自共和始。歷宣幽平王，而得春秋次第，以立斯譜。欲知源流清濁之所處，則循其上下而省之；欲知風化芳臭氣澤之所及，則傍行而觀之；此詩之大綱也。舉一綱而萬目張，解一卷而衆篇明；于力則鮮，于思則寡；其諸君子亦有樂于是與！

渾金璞玉，無雕琢氣，色澤古樸，經生之文。

【註釋】【大庭】神農氏之別號。

【軒轅】即黃帝，姓公孫，國于有熊。

【高辛】即帝嚳，姬姓，名俊，肇基於辛，故以爲氏。

【詩言志四句】見《書舜典》謂詩所以言人之志氣也。永長也。歌又所以長言詩之意，聲之曲折，又長言而爲之，聲中律乃爲和。

【放】仿也，仿而行也。【靡有孑遺】見《詩大雅》。【不風不雅】《詩國風，關雎詩序》一國之事，繫一人之本，謂之風；言天下

之事，形四方之風，謂之雅。商詩唯有頌，故云。【論功頌德七句】言風雅之詩，不外論頌與刺譏，若各就其黨類觀之，則可法可戒，

尤爲彰顯著明，故周人自錄周之風雅，不錄先代也。【后稷】名棄，周之祖。【播種百穀三句】言后稷播種之時，衆人皆厄于

飢，此時乃得粒食也。【自傳于此名也】言后稷因此而傳名也。【陶唐】帝堯初封于陶，又封于唐。【中葉】中世也。《詩

商頌》昔在中葉。【公劉】后稷之曾孫。【明明共財】言其使民衣服有章，不致財用也。《祭法》云：黃帝正名百物，以明民共財。

【太王】古公亶父，武王曾祖。【王季】太王子，武王祖。【顧天】《書太甲》先王顧天之明命。【有政有居】有惠政

之施，安居之樂也。【周南召南】《詩國風篇名》周南召南譜周召之地，爲周公且召公奭之采地，言二公之德教，自岐而行于南

國也。【鹿鳴】《詩小雅篇名》《詩序》燕羣臣嘉賓也。【文王】《詩大雅篇名》《詩序》文王受命作周也。【頌聲】《詩關雎詩序》

頌者，美盛德之形容，以其成功告于神明者也。【本之繇此風雅而來】言頌之本，由於風雅也。【懿王始受贈二句】

懿王，名懿，周共王子。齊哀公，太公玄孫，名不辰。紀侯譖之，懿王因烹哀公。【夷身失禮】周夷王，名燮，懿王子，下堂見諸侯，辱身失

禮也。《禮郊特牲》天子不下堂而見諸侯。【邶不尊賢】邶，國名，今河南汲縣東北有邶城。後并于衛。邶風柏舟之詩，言仁而不遇，

是不尊賢也。【厲】周厲王，名胡，夷王子。【幽】周幽王，名涅，宣王子。【十月之交】《詩小雅篇名》《詩序》大夫刺幽王也。

【民勞板蕩】並《詩大雅篇名》《詩序》民勞，召穆公刺厲王也。板，凡伯刺厲王也。蕩，召穆公傷周室大壞也。【上無天子】周室衰

弱，有若無也。【方伯】諸侯之長。《禮王制》千里之外設方伯。【陳靈淫亂】陳，舜後胡公之封國，都宛邱，今河南淮陽縣。靈

公淫於夏姬，爲其臣夏徵舒所弑。國人爲作株林之詩。

【太史】司馬遷也。

【年表】編年紀事之表，史記有十二諸侯年表，序曰：

『諸十二諸侯，自共和訖孔子。』【共和】周厲王出居於岐，周召二公協和而理國事，號曰共和。【宣】名靖，厲王子。

【平】名宜白，

幽王子。

董仲舒集敘

董仲舒見下奏議小傳。

蔡

邕

見論辨

董仲舒，清河廣川人也，以治春秋爲博士，下帷講誦。弟子傳以久次相授業，莫或能見其面。蓋三年不窺園圃，進退容止，非禮不行，學士皆師尊之。

漢孝武皇帝卽位，以賢良對策，爲江都相，

去聲下同

事易王。王素驕，好勇，仲舒以

禮義匡正，王敬重焉。公孫弘希世用事，深疾仲舒。是時膠西王尤縱恣，數

入聲

害吏

二千石，弘欲中去聲之，乃言於上曰：『獨仲舒可使相膠西王。』膠西王素服其德，

善待之。仲舒恐久獲罪，以病免。凡相兩國，輒事驕王，正身率下，所居而治，及去位歸居，終不問產業，以修學著書爲事，年老，以壽終於家。

只敘其一生德行學問，而集之矜重可見，其異於後人處在此。

【註釋】【清河廣川】清河，漢郡，治清陽，在今河北清河縣東。廣川，漢縣，屬清河郡，在今河北棗強縣東。【春秋】孔子因魯

史作春秋，漢初有公羊穀梁鄒氏夾氏之傳。仲舒傳公羊氏，著春秋繁露十七卷。【博士】官名，漢初舉博士，以能治五經者充之。

【弟子傳以久次相授業】言輾轉相授，使新學者就其舊弟子受業也。【孝武皇帝】名徹，景帝子，在位五十四年。【賢

良對策】武帝建元元年，詔舉賢良方正，直言極諫之士。仲舒對策稱旨，以爲江都相。【易王】名非，景帝第六子，由汝南徙封江

都。江都，今江蘇江都縣。【公孫弘】菑川薛人，少爲吏，有罪免，年四十乃學春秋雜說，後位至三公。【希世用事】觀察人主之

意旨，而爲可否也。【膠西王】名端，景帝第七子。膠西，漢國，都高密，今山東高密縣。【二千石】漢書百官表：郡守秩二千石。

孫子兵法序

孫子，名武，詳見王逸楚辭章句敘註。

魏武帝

姓曹，名操，字孟德，譙人。其父夏侯嵩，爲宦官曹騰養子，因冒姓曹氏。少舉孝廉，爲郎，起兵討董卓，擊黃巾，迎獻

帝，都許，爲大將軍，進位丞相，子丕篡漢，追尊爲武帝。

操聞上古有弧矢之利，論語曰：『足食足兵，』尚書八政曰：師，易曰：『師貞，

丈人吉，』詩曰：『王赫斯怒，爰整其旅，』黃帝湯武，咸用干戚，以濟世也。司馬法

曰：『人故殺人，殺之可也。』恃武者滅，恃文者亡，夫差偃王是也。聖賢之于兵也，

戡輯而時動，不得已而用之。吾觀兵書，戰策多矣，孫武所著深矣。

孫子者，齊人也，名武，爲吳王闔閭作兵法一十三篇，試之婦人，卒以爲將，西破強楚，入郢，北威齊晉。后下同百歲餘，有孫臏，是武之后也。審計重舉，明畫深圖，不可相誣，而但世人未之深亮。諒同訓說，況文煩富，行于世者，失其旨要，故撰爲略解焉。

淡淡著筆，渾樸處猶似西京。

【註釋】【弧矢】（易繫辭）弦木爲弧，剡木爲矢，弧矢之利，以威天下。【八政曰師】（書洪範）八政，八曰師。【師貞丈

人吉】見（易師卦）言爲師之正，唯得嚴莊丈人，監臨主領，乃得吉也。【王赫二句】見（詩大雅）【黃帝三句】黃帝與炎帝

戰於阪泉之野，擒蚩尤於涿鹿。湯伐夏，武王伐紂，干盾也，戚斧也。【司馬法】即司馬穰苴兵法。穰苴，齊之公族，爲大司馬，善用兵。

【人故殺人，殺之可也】（司馬法仁本篇）是故殺人安人，殺之可也。【夫差】吳王闔閭之子，好用兵，卒亡於越。【偃王】周

穆王時，徐子稱王，號爲偃王。（水經註）偃王治國，仁義著聞，欲舟行上國，乃導溝陳蔡之間，得朱弓矢，以得天瑞，自稱徐偃王。江淮諸侯

從者三十六國，周王聞之，遣使至楚，令伐之。偃王愛民不鬪，卒爲楚敗。【兵法一十三篇】孫子所著十三篇，謂始計、作戰、謀攻、軍

形、兵勢、虛實、軍爭、九變、行軍、地形、九地、火攻、用間是也。【試之婦人】（吳越春秋）吳王曰：「兵法寧可以小試耶？」孫子曰：「可小試

於後宮之女。王曰：『諾。』孫子曰：『得大王寵姬二人，以爲軍隊長。』各將一隊，令三百人皆被甲兜鍪，操劍盾而立，告以軍法。宮女皆笑。孫子令斬隊長二人。二隊寂然，無敢顧者。乃報吳王曰：『兵已整齊，願王觀之。』

【入郢】郢，楚都，今湖北江陵縣。周敬王十四年，吳入郢。

【北威齊晉】謂吳敗齊于艾陵，劫晉于黃池而長其盟。

【孫臏】見過秦論上。

【審計重舉】審，察計算，鄭重舉事也。

【明畫深圖】計畫明白，圖謀深遠也。

【亮】信也。

自敘

魏文帝

見論辨

初平之元，董卓殺主鳩后，蕩覆王室。是時四海，既困中平之政，兼惡卓之凶逆，家家思亂，人人自危。山東牧守，咸以春秋之義——衛人討州吁于濮——言人人皆得討賊，于是大興義兵，名豪大俠，富室強族，飄揚雲會，萬里相赴。兗豫之師，戰于滎陽；河內之甲，軍于孟津。卓遂遷大駕，西都長安。而山東大者連郡國，中者嬰城邑，小者聚阡陌，以還相吞併。會黃巾盛于海獄，山寇暴于并冀，乘勝轉攻，席卷而南，鄉邑望烟而奔，城郭覩塵而潰，百姓死亡，暴骨如莽。余時年五歲，上

以四方擾亂，教余學射，六歲而知射；又教余騎馬，八歲而能騎射矣。以時之多難，故每征，余常從。建安初，上南征荊州，至宛，焉音張繡降，旬日而反。亡兄孝廉子修，從兄安民遇害，時余年十歲，乘馬得脫。

夫文武之道，各隨時而用。生于中平之季，長于戎旅之間，是以少好弓馬，于今不衰，逐禽輒十里，馳射常百步，日多體健，心每不厭。建安十年，始定冀州，滅

貂陌貢良弓，燕代獻名馬。時歲之暮春，句芒司節，和風扇物，弓燥手柔，草淺獸肥。

與族兄子丹獵于鄴西終日，手獲章鹿九，雉兔三十。後軍南征，次曲蠡，尚書令

荀彧郁奉使犒軍，見余談論之末，彧言：「聞君善左右射，此實難能。」余言：「執

事未覩，夫項發口縱，俯馬蹄而仰月支也。」彧喜，笑曰：「乃爾！」余曰：「埒有常徑，的有常所，雖每發輒中，非至妙也。若夫馳平原，赴豐草，要擊平狡獸，截輕禽，使弓不虛彎，所中必洞，斯則妙矣。」

時軍祭酒張京在坐，顧彧拊手曰：「善！」余又學擊劍，閱師多矣，四方之法

各異，唯京師爲善。桓靈之間，有虎賁奔王越，善斯術，稱于京師。河南史阿言：「昔與越遊，具得其法。」余從阿學之精熟，嘗與平虜將軍劉勳、奮威將軍鄧展等共飲。宿聞展善有手臂，曉五兵，又稱其能空手入白刃。余與論劍良久，謂言將軍法，非也。余顧嘗好之，又得善術，因求與余對。時酒酣耳熱，方食甘蔗，便以爲杖，下殿數交，三中其臂，左右大笑。展意不平，求更爲之。余言：「吾法急屬，難相中面，故齊臂耳！」展言：「願復一交。」余知其欲突以取交中也，因僞深進。展果尋前，余卻脚勦，正截其額，坐中驚視。余還坐，笑曰：「昔陽慶使淳于意去其故方，更授以祕術，今余亦願鄧將軍捐棄故伎，更受要道也。」一坐盡歡。

夫事不可自謂己長，余少曉持複，自謂無對，俗名雙戟爲坐鐵室，鑲楯爲蔽木戶；後從陳國袁敏學，以單攻複，每爲若神。對家不知所出，告曰：「若逢敏于狹路，直決耳！」

余于他戲弄之事少所喜；唯彈碁略盡其巧，少爲之賦。昔京師先工有馬合

鄉侯、東方安世、張公子，常恨不得與彼數子者對。

上雅好詩書文籍，雖在軍旅，手不釋卷；每定省從容，常言：「人少好學，則思專；長則善忘。長大而能勤學者，唯吾與袁伯業耳！」余是以少誦詩論，及長而備歷五經、四部、史、漢，諸子百家之言，靡不畢覽。所著書論詩賦，凡六十篇。至若智而能愚，勇而能怯，仁以接物，恕以及下，以付後之良史。

一味矜才使氣，却非妄炫已長，妙在修詞飾句，以恬適出之，神韻不匱，亦復何讓陳思。

【註釋】【初平】漢獻帝年號，元年也。【董卓殺主鳩君】董卓，字仲穎，隴西臨洮人。獻帝時，爲太師，嘗執少帝，鳩何太后。

後司徒王允，與呂布密謀誅董卓，殺之。【中平】漢靈帝年號。【牧守】州牧郡守。【衛人討州吁于濮兩句】濮，在曹衛之間，今山東濮縣，州吁爲衛莊公庶子，弑其兄桓公自立。衛人殺之。（公羊傳）衛人討州吁於濮，其稱人何？討賊之辭。（註）明國中人人得

討之。【兗豫】兗，今山東西境，及河南東北境，豫，今河南東南境，及安徽淮水以北地。時兗州刺史孔伯，豫州刺史劉岱，率師討卓。

【滎陽】故城在今河南滎澤縣西南，事詳魏武帝讓縣自明本志令汴水之戰註。【河內】今河南河北道。時河內太守王匡，率師

討卓。【孟津】今河南孟津縣東。【遷大駕】初平元年三月，董卓劫獻帝，遷都長安。【長安】今陝西長安縣西北。今改稱西安。

【嬰】總也。(後漢卓茂傳)嬰城者相望。【黃巾】靈帝時，鉅鹿張角，以符水呪祝，熾病，號太平道，遣弟子，轉相誑惑，衆至數十萬，起而爲亂，皆著黃巾。皇甫嵩討平之。【海嶽】東海與泰山之間。【山寇】謂東郡白繞，武陽子毒，眭固之類。【并冀】并，今山西省。冀，今河北保定以南地。【建安】獻帝東遷安邑，改元建安。【上南征荊州】指武帝南下討劉表事。荊州，見魏武帝讓縣自明本志令註。【宛】今河南南陽縣。【張繡】武威祖厲人，張濟族子。【子修】名昂。【始定冀州】(三國魏志)建安十年春正月，攻袁譚，破之。冀州平。【滅貂】(三國志東夷傳)滅南與辰韓，北與高句麗沃沮接，東窮大海，今朝鮮之東皆其地。(後漢東夷傳)句驪別種曰小水貂，出好弓，所謂貂弓是也。【燕代】產馬。燕，今河北北部。代，今山西北部地。【句芒】司木運之神。(禮月令)其神句芒。【子丹】曹真字，文帝從兄。【鄴西】鄴，今河南臨漳縣西南。【麋】似小鹿而美。【曲蠶】今河南臨潁縣西北，魏文帝受禪處，後改繁昌縣。【尙書令】官名，主尙書曹奏下衆事。【荀彧】潁川人，字文若，曹操以爲奮武司馬。董昭勸操進爵魏公，彧以爲不宜。操不平，饋以空器，飲藥死。【項發口縱】言馬解人意也。【馬蹄月支】(文選赭白馬賦)經玄蹄而鬣散，歷素支而冰裂。註：玄蹄，馬蹄。素支，月支也。皆射帖名也。(邯鄲淳藝經)馬射左邊爲月支，二枚。馬蹄，三枚也。【埽】畫界分程曰埽。【的】射侯之中。【軍祭酒張京】古時饗燕，必尊長先用酒以祭，故齒德冠同列者曰祭酒，後因以爲官名。按：京必爲軍中功高齒尊之人。【桓靈】漢桓帝名志。靈帝名宏。【虎賁】周官名，屬夏官。漢置虎賁中郎將，領虎賁郎。【五兵】刀、劍、矛、戟、矢。【急屬】猶言急促也。【卻脚勸】卻，退也。勸，力拒也。【額】額也。【陽慶使淳于意二句】淳于意，臨淄人，爲齊太倉長，故稱倉公。其師公乘陽慶傳以禁方及脈書，遂精於醫。【持複】謂執雙兵也，卽雙戟鑊楯之類。【坐鐵室蔽木戶】言其難攻也。【袁敏】(三國志)袁敏，陳郡扶樂人。渙從弟，有武藝，而好水功，官至河隄，調者。【直決耳】決，絕也。言汝若遇袁敏，直欲絕命耳。

【彈棊】局戲也。沈存中云：彈棊有譜一卷，其局方二尺，中心高如覆孟，其巔爲小壺，四角微起。白樂天詩：『彈棊局上事，最妙是長斜。』謂抹角斜彈，一發過半局。按：與今之打彈略相似。

【袁伯業】（三國志）袁遺，字伯業，紹從兄，爲長安令。河間張起稱有冠世之德，幹時之量也。

畫贊序

曹植

見論辨

蓋畫者，鳥書之流也。

昔明德馬后美於色，厚於德，帝用嘉之，嘗從觀畫，過虞舜廟，見娥皇女英，帝指之戲后曰：『恨不得如此人爲妃。』又前見陶唐之像，后指堯曰：『嗟乎！羣臣百寮，恨不得戴君如是。』帝顧而笑，故夫畫所見多矣。著墨不多，含蓄而有餘致。

【註釋】【鳥書】上古書仿鳥跡，畫亦由此起。

【馬后】漢明帝后，馬援女，史稱其賢。

【帝】謂明帝。

【娥皇女英】舜妃，

堯二女也。《書堯典》：釁降二女於媯汭，續于虞。

【故夫畫所見多矣】謂觀畫而聞善言，其得於畫者多矣。

奏議

諫逐客書

李斯爲秦客卿，會韓人鄭國來間秦，以作注溉渠，已而覺，秦宗室大臣皆言秦王曰：『諸侯人來事秦者，大抵爲其主游間於秦耳，請一切逐客。』李斯議亦在逐中，斯乃上書。

李斯

楚之上蔡人，從荀卿學帝王之術，西說秦，秦以爲客卿。始皇定天下，斯爲丞相，定郡縣制，下禁書令，變着頡頏。

臣聞吏議逐客，竊以爲過矣。

昔穆公求士，西取由余於戎，東得百里奚於宛，迎蹇叔於宋，求丕豹公孫支於晉；此五子者，不產於秦，而穆公用之，并國二十，遂霸西戎。孝公用商鞅之法，移風易俗，民以殷盛，國以富彊，百姓樂用，諸侯親服，獲楚魏之師，舉地千里，至今治彊。惠王用張儀之計，拔三川之地，西并巴蜀，北收上郡，南取漢中，包九夷，制鄢郢，東據成皋之險，割膏腴之壤，遂散六國之從，同使之西面事秦，功施到今。昭王得

范睢廢穰侯，逐華陽，強公室，杜私門，蠶食諸侯，使秦成帝業。此四君者，皆以客之功。由此觀之，客何負於秦哉！向使四君卻客而不內，同納疎士而不與，是使國無富利之實，而秦無強大之名也。

今陛下致崑山之玉，有隨和之寶，垂明月之珠，服太阿於何切下同之劍，乘織離之

馬，建翠鳳之旗，樹靈鼉鼉下同之鼓。此數寶者，秦不生一焉，而陛下說下同悅之，何也？必

秦國之所生，然後可；則是夜光之璧，不飾朝廷；犀象之器，不爲玩好；鄭衛之女，不

充後宮；而駿馬馱馱下同，不實外廄；江南金錫不爲用，西蜀丹青不爲采。所以飾

後宮，充下陳，娛心意，說耳目者，必出於秦，然後可；則是宛珠之簪，傅璣之珥，阿綯

果之衣，錦繡之飾，不進於前；而隨俗雅化，佳冶窈窕，趙女不立於側也。夫擊甕叩

缶，彈箏搏髀，俾而歌呼鳴鳴，快耳者，眞秦之聲也；鄭衛桑間，韶虞舞象者，異國之

樂也。今棄擊甕而就鄭衛，退彈箏而取韶虞，若是者，何也？快意當前，適觀而已矣。

今取人則不然，不問可否，不論曲直，非秦者去，爲客者逐。然則是所重者在乎色

樂珠玉而所輕者在乎人民也，此非所以跨海內致諸侯之術也。

臣聞地廣者粟多，國大者人衆，兵強者士勇。是以泰山不讓土壤，故能成其大；河海不擇細流，故能就其深；王者不卻衆庶，故能明其德。是以地無四方，民無異國，四時充美，鬼神降福，此五帝三王之所以無敵也。今乃棄黔首以資敵國，卻賓客以業諸侯，使天下之士退而不敢西向，裹足不入秦，此所謂藉寇兵而齎西盜糧者也。夫物不產於秦，可寶者多；士不產於秦，而願忠者衆。今逐客以資敵國，損民以益讐，內自虛而外樹怨於諸侯，求國無危，不可得也。

歷言客卿之益，已自動聽，又就人物比較，層層駁詰，辨才無兩，自是戰國策士遺風。

【註釋】【穆公】名任好，爲春秋五霸之一。【由余】其先晉人，亡入戎，戎王使由余於秦，穆公用之，國以富強。【百里奚】

虞人，晉滅虞，以奚媵秦穆姬，既而亡秦走宛，楚鄙人執之。穆公以五羖羊皮贖之，與語，大說，授之國政，號曰五羖大夫。【宛】今河南

南陽縣。【蹇叔】岐州人，時游於宋，百里奚荐之於穆公。【宋】今河南商邱等地。【平豹公孫支】平豹，平鄭子，鄭見殺，豹

自晉奔秦。公孫支，卽子桑，岐州人，游晉，後歸秦。【孝公商鞅惠王】竝見賈誼過秦論上註。【用張儀計拔三川并巴

【蜀】惠王時，張儀爲相，請伐韓，下兵三川，司馬錯請伐蜀，因而滅蜀。儀死後，武王令甘茂拔宜陽，今並云張儀者，以儀爲秦相，故皆歸功焉。

【北收上郡】惠王十年，魏納上郡十五縣，今陝西榆林等地。

【南取漢中】惠王十三年，攻楚漢中，取地六百里。

【包

九夷制鄆郢】九夷，卽九種之夷，屬楚者。鄆，今湖北江陵縣。郢，今湖北宜城縣。

【成臯】今河南汜水縣。

【昭王】名稷，武王

湯異母弟也。

【范雎穰侯華陽】范雎，魏人，字叔。穰侯，姓魏，名冉。秦昭王母宣太后弟。華陽，在鄭州管城縣南，宣太后同父弟聃戎

爲華陽君。昭王用范雎，逐穰侯華陽君於關外。

【崑山】卽崑崙山。

【隨和之寶】（說苑）昔隨侯行，遇大蛇中斷，使人以藥封

之，蛇乃能去，因號其處爲斷蛇丘。歲餘，蛇銜明珠以報，因號隨珠。和，卞和，始皇以爲傳國璽。

【明月珠】夜光珠也。

【太阿】

韓國之劍名。

【織離】駿馬名。

【翠鳳旗】以翠羽爲鳳形而飾旗也。

【靈鼉鼓】（月令鄭玄注）鼉皮可以爲鼓。

【馱腿】

良馬也。

【下陳】後列也。

【宛珠之簪】宛地之珠，用以飾簪。

【傅璣之珥】璣，小珠也。珥，塞耳之玉。傅，附也。以璣附著於珥也。

【阿綽】齊之東阿縣出繒帛。

【窈窕】善心爲窈，善容爲窕。

【缶】瓦器。

【箏】制如瑟，蒙恬所造。

【鞞】股也。

【衛】（樂記）鄭音好濫淫志，衛音促數煩志。

【桑間】濮水之上，地名桑間，在今濮陽南。紉使師延作靡靡之樂。後晉師涓夜過此，

聞水中作樂，聽而寫焉，爲晉平公奏之。師曠曰：此亡國之音也。

【韶虞舞象】韶，舜樂。舞象，文王時有擊刺之法，武王作樂，象而爲

舞。

【齋】持遺也。

論守邊備塞書

鼂錯

漢潁川人，學申商刑名，爲人峭直深刻，以文學爲太常掌故。文帝遣受尙書於伏生，遷太子家令，號曰「智

襄。景帝時，遷御史大夫，請削諸侯封地，吳楚七國遂反，藉口誅錯，帝卒用袁盎之策，給錯載行東市，殺之。

臣聞秦時北攻胡貉，陌築塞河上，南攻揚粵，置戍卒焉。其起兵而攻胡粵者，非以衛邊地而救民死也，貪戾而欲廣大也，故功未立而天下亂。

且夫起兵而不知其勢，戰則爲人禽，同屯則卒積死，夫胡貉之地，積陰之處

也。木皮三寸，冰厚六尺，食肉而飲酪，洛其人密理，鳥獸毳脰毛，其性能耐寒。揚

粵之地，少陰多陽，其人疏理，鳥獸希毛，其性能耐暑。秦之戍卒不能其水土，戍者

死於邊，輸者償奮於道。秦民見行，如往棄市，因以謫發之，名曰「謫戍」。先發吏

有謫及贅壻賈人，後以嘗有市籍者，又後以大父母父母嘗有市籍者，後入閭取

其左。發之不順行者，深恐有背叛之心，凡民守戰至死而不降北者，以計爲之也。

故戰勝守固，則有拜爵之賞；攻城屠邑，則得其財鹵以富家室，故能使其衆蒙矢

石，赴湯火，視死如生。今秦之發卒也，有萬死之害，而亡下同銖兩之報，死事之後，

不得一算之復。天下明知禍烈及己也。陳勝行戍，至於大澤，爲天下先倡，天下從

之如流水者，秦以威劫而行之之敝也。

胡人衣食之業，不著於地，其勢易以擾亂邊境，何以明之？胡人食肉飲酪，衣皮毛，非有城郭田宅之歸，居如飛鳥走獸，於廣野美草甘水則止，草盡水竭則移。以是觀之，往來轉徙，時至時去，此胡人之生業，而中國之所以離南_畝也。今使胡人數處轉牧行獵於塞下，或當燕代，或當上郡北地隴西，以候備塞之卒。卒少則入，入不救，則邊民絕望而有降敵之心。救之少發，則不足；多發，遠縣纔至，則胡又已去。聚而不罷，爲費甚大；罷之，則胡復入。如此連年，則中國貧苦，而民不安矣。

陛下幸憂邊境，遣將吏發卒以治塞，甚大惠也。然令遠方之卒守塞，一歲而更，不知胡人之能。不如選常居者，家室田作，且以備之，以便爲之高城深塹，具藺石，布渠答，復爲一城。其城內間百五十步要害之處，通川之道，調立城邑，毋下千家，爲中周虎落，先爲室屋，具田器，迺募罪人及免徒，復作令居之；不足，募以丁奴婢贖罪及輸奴婢欲以拜爵者；不足，乃募民之欲往者，皆賜高爵，復其家，予冬

夏衣廩食，能自給而止。郡縣之民，得買其爵以自增至卿；其亡夫若妻者，縣官買予之。——人情非有匹敵，不能久安其處。塞下之民，祿利不厚，不可使久居危難之地。胡人入驅而能止其所驅者，以其半予之，縣官爲贖其民。如是，則邑里相救助，赴胡不避死，非以德上也，欲全親戚而利其財也。此與東方之戍卒不習地勢而心畏胡者，功相萬也。

以陛下之時，徙民實邊，使遠方亡屯戍之事；塞下之民，父子相保，亡係虜之患；利施後世，名稱聖明，其與秦之行怨民，相去遠矣。

徙民實邊，自是善法，說來利害分明，不愧「智囊」。

【註釋】【北攻胡貉】指始皇三十二年使將軍蒙恬伐匈奴事。【築塞河上】指築長城。【揚粵】一作揚越，卽百越。始

皇三十三年，略取南越地，置桂林、南海、象郡。

【置戍】秦始皇三十三年，置三郡，以謫徙民五十萬人，戍五嶺。

【酪】乳漿也。

【密理】奏理緘密也。【毳毛】（周禮天官）掌皮，共其毳毛，爲毼以待邦事。（註）毳毛，毛細縵者。【償】卽也。【棄市】（禮

王制）刑人於市，與衆棄之。【謫】同謫。（通俗文）罰罪曰謫。【贅壻】招致於家，壻比於子，如人之有疣贅，古時賤之。【市

籍】市上商賈姓名之簿也。古時賤商賈。（漢書食貨志）諸賈人未作，賈貨賣買，居邑貯積諸物，及商以取利者，雖無市籍，各以其物

自占，率緡錢二千而算一。【入閭取其左】漢書食貨志：後閭左之戍。師古曰：閭，里門也。言居在里門之左者，一切發之。【發之不順行者四句】言不以其道遭發，則民易生背畔，其守戰至死者，乃上之以計籠絡之也。【財鹵】漢書衛青傳：車輜

畜產，畢收爲鹵。按：財鹵指掠奪之物而言。

【銖兩】十黍爲釁，十釁爲銖。又六銖爲銍，二十四銖爲兩。

【一算之復】復，除也。

漢制：民年十五以上至六十五，出賦錢，人百二十爲一算。此言家有死事之人，餘仍不得除一算也。

【陳涉】見賈誼過秦論上。

【大澤】見過秦論中。

【離南晦】言勞於遭發，不得耕種也。

【燕代】見魏文帝自敘。

【北地】今甘肅。

【隴西】今甘肅。

【斬】坑也。

【蘭石】城上雷石也。

【渠答】鐵蒺藜也。

【中周虎落】言千家之中，四周以竹箴相連，遮護之也。

【復其

家】除其一家之役也。

【免徒復作令居之】張晏曰：有罪自首，除罪定輸作者也。復作，如徒也。贖曰：罪人遇赦復作，竟其

日月者，今皆除其罰，令居之也。按：贖說爲是。

【自增至卿】朝位從卿而無職也。

【胡人入驅三句】按：漢書龜錯傳：以

縣官爲贖斷句。桐城姚氏曰：能奪還胡所驅略者，以半入官，以半予能奪還者。然畜產器物則遂予之，若內有人民，官又當以財贖之，

不便竟爲奴，又不使奪還者失利也。

【行怨民】言發怨恨之人，使行戍役也。

聞樂對

武帝初即位，大臣懲吳楚七國行事，力裁抑諸侯王。建元三年，中山王勝與代王登、長沙王發、濟川王明來朝，天子

置酒，勝聞樂聲而泣，問其故，以此爲對。

中山靖王

漢景帝之子。

臣聞：悲者不可爲殯古果，歆希，思者不可爲歎息。故高漸離擊筑易水之上，

荆軻爲之低而不食；雍門子壹微吟，孟嘗君爲之於烏邑。今臣心結日久，每聞幼

要妙之聲，不知涕泣之橫集也。

夫衆煦翊漂山，聚蝻古蚊成雷同雷；朋黨執虎，十夫撓開椎。是以文王拘於牖

里，孔子阨於陳蔡，此乃烝庶之成風，增積之生害也。臣身遠與寡，莫爲之先，衆口

鑠金，積毀銷骨，叢輕折軸，羽翮核音飛肉，紛驚逢羅，潛刪然出涕。

臣聞白日曬光，幽隱皆照；明月耀夜，蝻盲蝻音宵見現音。然雲蒸列布，杳冥晝昏，

塵埃拂鋪覆，昧不見泰山，何則？物有蔽之也。今臣雍邈闕遇不得聞，讒言之徒譖

蜂同生，道遼路遠，曾莫爲臣聞，臣竊自悲也。

臣聞社籟癸不灌，屋鼠不熏，何則？所託者然也。臣雖薄也，得蒙肺附；位雖卑

也，得爲東藩，屬又稱兄。今羣臣非有葭嘉李字之親，鴻毛之重，羣居黨議，朋友相

爲。使夫宗室擯卻，骨肉冰釋，斯伯奇所以流離，比干所以橫摩去分也。詩云：「我心

憂傷，怒訓焉如擣。訓「假寐永歎，惟憂用老。」「心之憂矣，疢丑刃切如疾首。」
臣之謂也。

字耶淚耶，摯切處勝於陳思求親親表。

【註釋】【絃】重也。【高漸離擊筑易水之上】筑似琴，有弦，用竹擊之。易水，在今河北易縣。荆軻將入秦刺始皇，燕太子

丹及賓客知其事者，皆白衣冠送之，至易水之上。既祖取道，高漸離擊筑，荆軻和而歌，爲變徵之聲，士皆垂淚涕泣。【雍門子壹微

吟】雍門子，名周，齊之賢人，居雍門，因以爲號。嘗以琴見孟嘗君。孟嘗君曰：「先生鼓琴，亦能令文悲乎？」雍門子周曰：「因秦者君

也，伐楚者又君也。楚王秦帝，必報讎於薛，千秋萬歲之後，廟堂必不血食矣。高臺旣以壞，墳墓旣以下，嬰兒豎子，踣躅其足而歌其上。衆

人見之，無不欲爲爲足下悲之。」曰：「夫以孟嘗君尊貴，乃可使若此乎？」於是孟嘗君泫然泣涕承睫而未殞。雍門子周引琴而歌之，徐

動宮徵，微揮羽角，孟嘗君涕浪汗增歎而就之曰：「先生鼓琴，令文若破國亡邑之人也。」【幼眇】精微也。【衆煦漂山】煦，吐沫

也。漂，動也。言山雖固而衆人之吐沫，足以流動之也。【聚蟲成雷】言衆蚊飛聲有若雷也。【橈】曲也。【文王拘於牖里】紂

以西伯昌九侯鄂侯爲三公，九侯有奸女，入之紂。女不意淫，紂怒殺之，而醢九侯。鄂侯爭之彊，辨之疾，并脯鄂侯。西伯昌聞之竊歎，紂囚

之於牖里。今河南湯陰縣北有牖城，卽其地。【孔子阨於陳蔡】（史記孔子世家）孔子在陳蔡之間，楚使人聘孔子，孔子將往拜

禮，陳蔡大夫謀曰：「楚，大國也，來聘孔子，用於楚，則陳蔡用事大夫危矣。」於是乃相與發徒役圍孔子於野，不得行。【身遠與寡莫

爲之先】身遠者，去帝京遠，與寡者，少黨與也。先，謂素爲延譽也。【衆口鑠金】（風俗通）或說，有美金於此，衆人或共誣說，言其不純金。賣者欲其必售，因取鍛煉，以見其真，是爲衆口鑠金。【積毀銷骨】言讒人積久譖毀，則父兄自相誅戮，骨肉爲之消滅也。【叢輕折軸】言輕物以多載而車軸折。【羽翮飛肉】言禽鳥以多羽而肉體舉。【紛驚蓬羅】言皆紛然恐觸法網也。【掩】布散也。【雍闕】雍，塞也。闕，止也。【蓋】衆多也。【遼】遠也。【曾莫爲臣聞】言無人爲代明之。【社鷄二句】鷄，小鳥也。言灌社鷄，燕屋鼠，恐滄及社，焚及屋也。【肺附】肝肺相附著也。（漢書劉向傳）臣幸得託肺附。【得爲東藩】中山國都，爲今河北定縣，在長安東，故曰東藩。【葭莖之親】葭，蘆也。莖，蘆中薄膜，卽用爲箔膜者，此言至薄之親也。【鴻毛之重】此喻其所託者輕也。【羣居黨議朋友相爲】爲，猶助也。言衆口積毀，絕無社鷄屋鼠之顧忌。【伯奇所以流離】（琴操）履霜操，吉甫之子伯奇所作也。伯奇無罪，爲後母讒而見逐，于是投琴鼓之而作此操。【比干所以橫分】比干，見王逸楚辭章句，橫分，謂剖心也。【我心憂傷六句】見（詩小雅）怒，思也。搆，搆也。不脫衣冠而寐曰假寐。水長也。疾，病也。

粵有三仁對

粵通越。

董仲舒

見序跋蔡邕文。

江都王問仲舒曰：「越王句踐與大夫泄諱庸種，蠡謀伐吳，遂滅之。孔子稱

殷有三仁，寡人亦以爲粵越通有三仁。桓公決疑于管仲，寡人決疑于君。」

奏議 粵有三仁對

六九

仲舒對曰：「臣愚不足以奉大對。聞昔者魯君問柳下惠：『我欲伐齊，何如？』柳下惠曰：『不可。』歸而有憂色，曰：『吾聞伐國不問仁人，此言何爲至于我哉？』徒見問爾，猶且羞之；況設詐以伐吳乎？由此言之，粵本無一仁。」

「夫人仁者，正其誼，下同不謀其利，明其道不計其功。是以仲尼之門，五尺之童，羞稱五伯，下同爲其先詐力而後仁誼也。苟爲詐而已，故不足稱于大君子之門也。五伯比於他諸侯爲賢，其比三王，猶武同夫同之與美玉也。」

問奇而對以正，江都自不失其所學。

【註釋】【江都王】見蔡邕董仲舒集序。【越王句踐】允常子。其先爲少康庶子，封於會稽，以奉禹祀。【泄庸】越臣。

【種】文種，字子禽，越大夫。吳王夫差，敗越兵於夫椒，越王句踐使種行成於吳。句踐既歸國，屬政於種，及滅吳後，范蠡遺種書，勸之行，種稱疾不朝。或譖種將作亂，越王乃賜種劍，遂自殺。【蠡】范蠡，見賈誼過秦論上陶朱註。【孔子稱殷有三仁】（論語）微子

去之，箕子爲之奴，比干諫而死。孔子曰：『殷有三仁焉。』【大對】謂對大問也。【柳下惠】魯大夫展禽，——柳下，其采邑；惠，其

諡也。【武夫】石之似玉者。

諫獵疏

(漢書司馬相如傳)是時天子方好自擊熊豕，馳逐檻獸。相如因上疏諫。

司馬相如

見論辨

臣聞物有同類而殊能者，故力稱烏獲，捷言慶忌，勇期贗奔育。臣之愚，竊以爲人誠有之，獸亦宜然。

今陛下好陵阻險，射聲入猛獸，卒同然遇軼材之獸，駭不存之地，犯屬車之清塵，輿不及還旋，輶人不暇施巧。雖有烏獲逢龐蒙之技，力不得用，枯木朽株，盡爲難矣。是胡越起於轂下，而羌夷接軫也，豈不殆哉？雖萬全無患，然本非天子之所宜近也。

且夫清道而後行，中路而後馳，猶時有銜檝厥之變；而況涉乎蓬蒿，馳乎邱墳，前有利獸之樂，而內無存變之意，其爲害也不難矣。夫輕萬乘之重，不以爲安樂，出萬有一危之地，以爲娛，臣竊爲陛下不取。蓋明者遠見於未萌，而智者避危

於無形；禍固多藏於隱微，而發於人之所忽者也。故鄙諺曰：『家累千金，坐不垂
睡同堂。』此言雖小，可以喻大。

一氣貫注，章法渾成，無起伏照應痕跡，斯為高古絕倫。

【註釋】【烏獲】秦武王時力士。

【慶忌】吳王僚之子。射之矢滿把不能中，鬪馬追不能及也。

【賁育】孟賁、夏育，皆古之

勇士。【卒然】急遽貌。【不存】存，祭也，省也，下存變之存同。

【屬車】從車也。漢書音義：大駕屬車八十一乘。

【逢蒙】

古之善射者。吳越春秋：陳番曰：『黃帝作弓，後有楚狐父以道傳羿，羿傳逢蒙。』

【胡越】胡謂匈奴，居今蒙古境。越謂南越閩越。

今兩廣福建等地。

【轂】輻所輳處。

【羌夷】先零等是，居今青海境。

【軫】車後橫木。

【銜檄之變】銜，馬勒也。檄，車之鉤

心也。銜檄之變，言馬勒或斷，鉤心或出，則致傾敗以傷人也。

【陞】（蔡邕獨斷）天子必有近臣，執兵立於陞側，以戒不虞。羣臣與天

子言，不敢指斥，故呼在陞下者而告之，因卑達尊之意。

上武帝書

東方朔

見論辨

臣朔少失父母，長養兄嫂。年十二學書，三冬文史足用；十五學擊劍；十六學

詩書，誦二十二萬言；十九學孫吳兵法，——戰陣之具，鉦_征鼓之教，亦誦二十二

萬言。——凡臣朔固已誦四十四萬言。又常服子路之言。臣朔年二十二，長九尺三寸，目若懸珠，齒若編貝，勇若孟賁，奔捷若慶忌，廉若鮑叔，信若尾生。若此，可以爲天子大臣矣。——臣朔昧死再拜以聞。

似自撰小傳，無一閒字贅句，雖近銜鬻，實則稱情而道，一絲不溢。

【註釋】【文史作用】言文史之事，足可用也。【孫吳兵法】孫，即孫武。吳，即吳起。俱善用兵，著有兵法行世。【鉦鼓】所

以爲進退士衆之節也，故言兵事者，往往稱鉦鼓。

【又常服子路之言】子路無宿諾。

【孟賁慶忌】並見上篇。

【鮑叔】

即鮑叔牙，齊大夫，與管仲相友善。公子糾死，因薦管仲於齊桓公，以爲相。管仲嘗曰：「吾嘗與鮑叔賈，分財利，多自與，鮑叔不以我爲貪，知我貧也。」【尾生】古之信士，嘗與女子期於梁下，女子不來，水至不去，抱梁柱而死。

言世務書

嚴安

漢臨淄人，武帝朝，以故丞相史上書，召見，拜郎中，後爲騎馬令。

臣聞鄒衍曰：『政教文質者，所以云救也。當時則用，過則舍之，有易則易之。』故守一而不變者，未睹治之至也。今天下人民，用財侈靡，車馬衣裘宮室，皆競修

飾，調五聲使有節族，奏雜五色使有文章，重五味方丈於前以觀欲天下。彼民之情，見美則願之，是教民以侈也。侈而無節，則不可瞻，民離本而徼聲平末矣。末不可徒得，故搢紳者不憚爲詐，帶劍者夸殺人以矯奪，而世不知媿，故奸軌究通浸長。夫佳麗珍怪，固順於耳目，故養失而泰，樂失而淫，禮失而采，教失而僞。僞采淫泰，非所以範民之道也。是以天下人民，逐利無已，犯法者衆。臣願爲民制度，以防其淫，使貧富不相耀以和其心。心既和平，其性恬安，恬安不營，則盜賊銷；盜賊銷，則刑罰少；刑罰少，則陰陽和，四時正，風雨時，草木暢茂，五穀蕃熟，熟同六畜遂字，民不夭厲；和之至也。

臣聞周有天下，其治三百餘歲，成康其隆也，刑錯四十餘年而不用；及其衰，亦三百餘年，故五伯聲去更起。五伯者，常佐天子興利除害，誅暴禁邪，匡正海內，以尊天子。五伯既沒，賢聖莫續，天子孤弱，號令不行，諸侯恣行，強陵弱，衆暴寡——田常篡齊，六卿分晉，並爲戰國，此民之始苦也。於是強國務攻，弱國修守，合從縱同

連衡，通馳車轂擊，介胄生蠶，民無所告愬。及至秦王，蠶食天下，并吞戰國，稱號皇帝，一海內之政，壞諸侯之城，銷其兵，鑄以爲鍾虜，互示不復用。元元黎民，得免於戰國，逢明天子，人人自以爲更生。鄉同使秦緩刑罰，薄賦斂，省徭役，貴仁義，賤權利，上篤厚，下佞巧，變風易俗，化於海內，則世世必安矣。

秦不行是風，循其故俗，爲知去聲巧權利者進，篤厚忠正者退，法嚴令苛，調同諛者衆，日聞其美，意廣心逸，欲威海外，使蒙恬將兵以北攻強胡，辟同地進境，成於北河，飛芻輓粟，以隨其後；又使尉屠睢將樓船之士攻越，使監祿鑿渠運糧，深入越地。越人遁逃，曠日持久，糧食乏絕。越人擊之，秦兵大敗。秦乃使尉佗將卒以戍越。當是時，秦禍北構於胡，南挂於越，宿兵於無用之地，進而不得退，行十餘年，丁男被甲，丁女轉輸，苦不聊生，自經於道樹，死者相望。及秦皇帝崩，天下大叛。陳勝、吳廣舉陳，武臣、張耳、趙主、項梁舉吳，田儋舉齊，景駒舉郢，周市舉魏，韓廣舉燕，窮山通谷，豪士並起，不可勝載也。然本皆非公侯之後，非長官之吏，無尺寸之勢，

起閭巷，杖棘同矜，應時而動，不謀而俱起，不約而同會，壤長上地進，至乎伯王時，致使然也。秦貴爲天子，富有天下，滅世絕祀，窮兵之禍也。故周失之弱，秦失之強，不變之患也。

今徇南夷，朝夜郎，降羌同，略葭同州，建城邑，深入匈奴，燔同其龍城，議者美之。此人臣之利，非天下之長策也。今中國無狗吠之警，而外累於遠方之備，靡敵國家，非所以子民也；行無窮之欲，甘心快意，結怨於匈奴，非所以安邊也；禍如而不解，兵休而復起，近者愁苦，遠者驚駭，非所以持久也。今天下鍛甲摩劍，矯箭控弦，轉輸軍糧，未見休時，此天下所共憂也。夫兵久而變起，事煩而慮生。今外郡之地，或幾千里，列城數十，形束壤制，帶脅諸侯，非宗室之利也。上觀齊晉所以亡，公室卑削，六卿太盛也；下覽秦之所以滅，刑嚴文刻，欲大無窮也。今郡守之權，非特六卿之重也；地幾千里，非特閭巷之資也；甲兵器械，非特棘矜之用也；以達萬世之變，則不可勝諱也。

道出周弱秦強之故，而以守一不變爲非治策，其意在止窮兵黷武之禍；而極迫切處，卻說得極宛轉，對待英主，自宜如是。

【註釋】【鄒衍】見王逸楚辭章句。【救】救弊也。【節族】節，止也。族，進也。【觀欲天下】觀，猶顯也。顯示之使其慕

欲也。【徵】求也。【夸】競也。【姦軌浸長】亂在外爲姦，在內爲軌。浸，漸也。【遂字】字，生也。【成康】成王謂康王。劍

【五伯】見鄭玄詩譜。【田常】陳恆，弑簡公者。【六卿】見曹植籍田說。齊之諸田註。【合從連衡】見賈誼

過秦論上。【馳車穀擊】車穀相擊，言其衆多也。【介胄生蟻蝨】言兵革不休也。【虞】虞，懸鐘具。【元元】見過秦論

中。【蒙恬】見過秦論上。【尉屠睢監祿】尉，監皆官名。秦分天下爲三十六郡，郡置守尉監。屠，姓。睢，祿皆人名。淮南王諫伐閩

越書，亦曾引之。【尉佗】見書牘小傳。【陳勝吳廣】陳勝，即陳涉，詳見過秦論上。吳廣字叔，陽夏人。二世元年七月，與陳勝同

舉兵。【舉】謂起兵也。【武臣】陳人，陳涉自立爲王，以武臣爲將軍，北略趙地，號爲武信君。下趙十餘城。【張耳】大梁人，少

時嘗亡命游外黃，外黃富人嫁以女，乃宦魏爲外黃令。秦滅魏，購求張耳千金，乃變姓名之陳，爲里門監。陳涉起，至入陳，聞張耳賢，見

即大喜，以耳爲校尉，與武臣略趙地。【項梁】楚名將項燕子，嘗殺人，避仇吳中，吳中賢士皆出梁下，項籍其猶子也。二世元年七月，

陳涉等起大澤中。九月，梁使籍殺會稽守，遂舉吳中兵，使人收下縣，得精兵八千，渡江而西。【田儻】齊之王族。儻從弟田榮，榮弟田

橫，皆豪彊能得人。陳涉王楚，儻亦自立爲齊王，時二世元年九月也。【景駒】楚人，起兵於郢。【周市】魏人，起兵於魏。【韓

廣】燕人，起兵於燕。【夜郎】見離蜀父老註。【羌】見上陳微流註。【楚】見離蜀父老註。【蕘】東夷國名，今遼寧鳳城

縣東，及朝鮮國之江原道。【龍城】匈奴祭天處。【挈】相引連也。【鍛甲摩劍，矯箭控弦】冶金曰鍛，摩，與磨通，正曲使

直曰矯。控，引也。【形束壤制】言其土地形勢，足以束制其民。【帶脅諸侯】帶者，言諸侯之於郡守，譬如佩帶，謂輕小也。脅，謂

其威力足以脅之也，一曰，帶在脅旁，附著之義也。【不可勝諱】言必滅亡也。

駁入粟贖罪議

漢宣帝神爵元年，西羌反，命後將軍趙充國等擊之。京兆尹張敞上書言：「國兵在外，軍以夏發，吏

民並給轉輸，田事頗廢，來春民食必乏，願命諸有舉非盜，受財殺人，及犯法不得赦者，皆得以差入贖八郡贖罪。」八郡，指隴西以北安定以西也。

蕭望之

漢蘭陵人，字長倩，素有重望。宣帝朝，爲太子太傅。帝疾篤，受遺詔輔政，領尙書事。元帝卽位，以師傅見重，時事

多所匡正。後爲弘恭、石顯所陷，飲鴆自殺。

民函合同陰陽之氣，有仁義欲利之心，在教化之所助，雖堯在上，不能去民利

欲之心，而能令其欲利不勝其好義也；雖桀在上，不能去民好義之心，而能令其

好義不勝其欲利也。故堯桀之分，在於義利而已。

道民不可不慎也。今欲令民量粟以贖罪，如此則富者得生，貧者獨死，是貧

富異刑而法不壹也。人情貧窮，父兄囚執，聞出財得以生活，爲人子弟者，將不顧

死亡之患，敗亂之行，以赴財利，求救親戚，一人得生，十人以喪。如此，伯夷之行壞，公綽之名滅，政教壹傾，雖有周召之佐，恐不能復。

古者藏於民，不足則取，有餘則予。詩曰：『爰及矜人，哀此鰥寡。』上惠下也；又曰：『雨我公田，遂及我私。』下急上也。今有西邊之役，民失作業，雖戶賦口斂以贍其困乏，古之通義，百姓莫以爲非，以死救生，恐未可也。陛下布德施教，教化旣成，堯舜亡無通以加也。今議開利路，以傷旣成之化，臣竊痛之！

入粟贖罪，貧富異刑，是謂無法。作者引經據古，申說甚暢，文亦樸茂條達。

【註釋】【公綽】魯大夫孟公綽也。（論語若臧武仲之智，公綽之不欲舉公綽者，言其廉也。）【爰及矜人二句】見（詩小雅鴻雁篇）【雨我公田二句】見（詩小雅大田篇）【以死救生】即上一人得生，十人以喪之謂。

論甘延壽等疏

延壽，字君況，北地郁郅人。元帝初元五年，匈奴郅支單于殺漢使者谷吉，西走康居，建昭三年，漢遣使三輩至康居，求谷吉等尸。郅支困辱使者，不奉詔。西域副校尉陳湯，因與都護甘延壽，矯制發兵，襲擊郅支單于於康居，斬之。石顯匡衡以爲矯制有罪，不當論功，議久不決，向上此疏。

奏議 駁入粟贖罪議 論甘延壽等疏

劉向

漢之宗室，本名更生，字子政，楚元王四世孫。年十二，以任爲掾郎，累官散騎宗正，以譖免官。成帝時，復起爲

光祿大夫，爲人簡易無威儀，專積思於經術，畫誦書傳，夜觀星宿，或不寐達旦。著有洪範五行傳記十一卷，新序十卷，說

苑二十卷，列女傳七卷，續列女傳一卷，列仙傳二卷。

鄧^質支單于囚殺使者吏士以百數，事暴^入揚外國，傷威毀重，羣臣皆閔焉。陛下赫然欲誅之意，未嘗有忘。

西域都護延壽、副校尉湯，承聖指，倚神靈；總百蠻之君，搃^覽城郭之兵；出百

死，入絕域，遂蹈康居，屠五重^平城；搃歛侯之旗，斬鄧支之首；縣^同旌萬里之外，揚

威昆山之西；掃谷吉之恥，立昭明之功。萬夷懼伏，莫不懼震。呼韓邪單于見鄧支

已誅，且喜且懼，鄉^同風馳義，稽^上首來賓，願守北藩，累世稱臣，立千載之功，建萬

世之安，羣臣之勛莫大焉。

昔周大夫方叔吉甫爲宣王誅獫狁^允，而百蠻從，其詩曰：「嘽^灘嘽^堆焯^堆，

焯^堆如霆如雷，顯允方叔，征伐獫狁，蠻荆來威。」易曰：「有嘉折首，獲匪其醜。」言

美誅惡首之人，而諸不順者皆來從也。今延壽湯所誅震，雖易之「折首」，詩之

「雷霆」不能及也。論大功者不錄小過，舉大美者不疵細瑕。司馬法曰：「軍賞不踰月。」欲民速得爲善之利也。蓋急武功，重用人也。吉甫之歸，周厚賜之，其詩曰：「吉甫燕喜，既多受祉，來歸自鎬，我行永久。」千里之鎬，猶以爲遠，況萬里之外，其勤至矣！延壽湯既未獲受祉之報，反屈捐命之功，久挫於刀筆之吏，非所以勸有功，厲戎士也。

昔齊桓公前有尊周之功，後有滅項之罪，君子以功覆過，而爲之諱行事。貳師將軍李廣利，捐五萬之師，靡億萬之費，經四年之勞，而僅獲駿馬三十匹；雖斬宛王母鼓之首，猶不足以復費，其私罪惡甚多。孝武以爲萬里征伐，不錄其過，遂封拜兩侯三卿，二千石百有餘人。今康居國強於大宛，郅支之號，重於宛王；殺使者罪，甚於留馬。而延壽湯不煩漢士，不費斗糧，比於貳師，功德百之。且常惠隨欲擊之烏孫，鄭吉迎自來之日，逐猶皆裂土受爵。故言威武勤勞，則大於方叔吉甫；列功覆過，則優於齊桓貳師；近事之功，則高於安遠長羅；而大功未著，小惡數

布，臣竊痛之！宜以時解縣通籍，除過勿治，尊寵爵位，以勸有功。爲甘陳訟寃，引古人及近事作證，而仍歸結於勸有功，勵戎士，是爲得體。文之淵懿古雅，自是經生本色。

【註釋】

【鄧支單于】宣帝五鳳二年，呼韓邪兄右賢王呼屠吾斯，自立爲鄧支骨都侯單于。會康居王怨烏孫，與鄧支併力攻烏孫，爲甘延壽等所襲殺。

【傷威毀重】謂喪失漢之威嚴也。

【西域都護】漢官名，主護西域及車師以西北道，故曰都護。鄧

翰大也，總也。都護之置，自宣帝時鄭吉始。

【副校尉湯】副校尉，漢官名，隸於都護。湯，姓陳，字子公，山陽瑕丘人。

【攬】總持之

也。【康居】國名，今蘇聯撒麻兒干北境。時延壽病，湯獨矯制發諸國兵，進薄康居城下，四面圍城，發薪燒木城，四面火起，吏士大呼

與之，四面並入，遂破之。

【搴】拔也。

【欽侯】即趙信，後降匈奴，元帝時信已死，當爲信之子孫。

【昆山】崑崙山也，在今新疆

西藏之間。

【谷吉之恥】吉，長安人，爲衛司馬。鄧支單于怨漢擁護呼韓邪，而不助己，因辱漢使者江迺始等，遣使求侍子。漢遣谷

吉送之，既至，爲鄧支所殺。

【憎】惡也。

【呼韓邪單于】虛閭權渠單于之子。虛閭權渠死，右賢王屠耆堂立爲撻衍胸鞬單于。

屠耆堂暴虐失衆而滅，匈奴亂，稽侯徠立爲呼韓邪單于，與鄧支單于相攻。呼韓邪敗走，降漢稱臣；及聞鄧支既誅，且喜且懼，入朝自言

願增漢氏以自親。帝以後宮良家子王嬙賜之。

【馳義】慕義馳驅而來也。

【稽首來賓】稽首，下拜首至地也。賓，服也。懷德而

服也。

【方叔】周卿士。宣王二年，方叔南征荆蠻，荆蠻，即楚也。

【吉甫】尹吉甫也。《路史》：少昊子般封尹，在汾州。及周爲尹氏采

邑，有吉甫墓。宣王元年，尹吉甫北伐獫狁。

【獫狁】即匈奴，居今蒙古境。

【嘽嘽焯焯五句】見《詩·小雅·嘽嘽》，衆也。焯焯，盛也。

顯明也。允信也。言車徒既衆且盛，有如雷霆。統師之方叔，又有此明信之德，故能克定獫狁，而令荆土之蠻，亦畏威而來也。【有嘉

折首二句】見《易離卦》嘉，善也。醜，類也。言王者出征，克勝斬首，多獲非類，故以爲善。【司馬法】即司馬穰苴兵法，穰苴，齊之

公族，爲大司馬，善用兵。【軍賞不踰月二句】見《司馬法天子之職篇》。【吉甫燕喜四句】見《詩小雅》社，福也。鏞，地名，

在周京之北。《正字通》靈夏等地，亦曰鏞。按靈夏，今寧夏、靈武、寧夏等縣。時獫狁侵鏞，至於涇陽，吉甫伐之，自鏞而還，王以宴禮樂之，

多受福賜，以其行役有功，日月長久故也。【刀筆吏】書吏之掌案牘者。《史記蕭相國世家》蕭相國何，於秦時爲刀筆吏。【尊

周之功】謂齊桓公伐楚，責其不貢包茅，及會王太子於首止。【滅項之罪】項，國名，在今河南項城縣。春秋僖公十七年，滅項

公羊傳曰：齊滅之也。不言齊，爲桓公諱也。桓公有繼絕存亡之功，故君子爲之諱。【行事】謂滅項之事。【貳師將軍】貳師，大

宛城名。時漢使返自西域，言大宛有善馬，在貳師城。帝使壯士持金求之，宛王不肯，乃拜李廣利爲貳師將軍，發屬國六千騎及郡國惡

少年數萬人以往，期至貳師城取善馬，故以爲號。【李廣利】武帝寵姬李夫人之兄。太初元年，爲貳師將軍，征大宛，後將兵擊匈

奴，兵敗而降，爲單于所殺。【經四年之勞】廣利以太初元年出發，至郁成，攻不下。三年，大發兵圍宛，宛降，出其馬，令漢自擇之。漢

軍取其善馬數十匹，四年師還。【斬宛王母鼓之首】李廣利圍宛四十餘日，宛貴人因殺其王母鼓以降。【復費】復，償也。

【孝武以爲三句】《李廣利傳》軍還入玉門者萬餘人，將吏食不愛卒，侵牟之，以此物故者衆。天子以爲萬里征伐，不錄其過，封

廣利爲海西侯。食邑八千戶，又封斬郁成王者趙弟爲新時侯，軍正趙始爲光祿大夫，上官桀爲少府，李陟爲上黨太守。軍官吏爲九卿

者三人，諸侯相郡守二千石百餘人。【大宛】西域國名，今蘇聯、浩罕塔什干等地。【常惠】太原人。宣帝時，匈奴擊烏孫，使惠隨

烏孫兵，惠與烏孫大破匈奴。【烏孫】西域國名，今新疆伊寧縣。【鄭吉】會稽人。宣帝時，爲西域都護。匈奴日逐王先賢揮欲降

奏議 爲陳留太守奏上孝子程末事表

漢使人與吉相聞。吉發渠黎龜茲諸國五萬人迎日逐王，口萬二千人，小王將十二人，隨吉至河曲，頗有亡者。吉追斬之，遂將詣京師。漢封日逐王為歸德侯。【安遠長羅】鄭吉封安遠侯，常惠封長羅侯。【解縣】縣罪未定也。【通籍】謂不禁止，令得出入也。

爲陳留太守奏上孝子程未事表

陳留，後漢郡，治陳留，今河南陳留縣。後漢書百官志：每郡置

太守一人。

蔡邕

見論辨

臣前到官，博問掾

硯

史孝行

去聲下同

卓異者。臣門下掾申屠夔，稱「孝子平丘

程未，年十四歲。時祖父叔病歿，未抱伏叔尸，號泣悲哀，口乾氣少，喘息纔屬。舅偃哀其羸劣，嚼棗肉以哺之。未見食，歔歔不能吞咽，麥飯寒水閒用之。舅偃誘勸，哽咽益甚。是後精美異味，遂不過口，常在柩旁，旁同耳聞叔名，目應以淚。前太守文穆召署孝義。童云：「以叔未葬，不能至府舍。」臣輒核問掾史邑子殷盛宿彥等，辭驗皆合。

臣卽召來見。未年十四歲，顏色瘦小，應對甚詳。臣問：「樂爲吏否？」垂泣求

去，白歸喪所。臣爲設食，但用麥飯寒水，不食肥膩。舅本以田作爲事，家無典學者，其志行發於自然，非耳目聞見所做效也。雖成人之年，知禮識義之士，恐不能及。

伏惟陛下，體因心之德，當中興之運，躬秉萬機，建用皇極，神紀騁於無方，淑

暘候洽於羣生，故醇行感時而生，美義因政以出；清風奮揚，休徵誕漫，太平之萌，

昭驗已著。臣誠伏見幸甚。臣聞魯侯能孝，命於夷宮；張仲孝友，侯在左右；周宣之興，實始於此。且烏以反哺，託體太陽；羔以跪乳，爲贄國卿；禽鳥之微，猶以孝寵。況未稟純粹之精爽，立百行之根原？其人殄瘁，而德曜彌光，其族益章。臣不勝願，會使未美，昭顯本朝。謹陳狀——臣頓首。

後世表揚忠孝之文，放筆爲之，往往溢分，名家亦自難免，看此文，何等質實。

【註釋】【掾史】屬官也。【平丘】後漢縣，屬陳留郡，故城在今陳留縣北。【羸劣】瘠弱也。【歔歔】悲泣氣咽而抽息

也。（東方朔七諫）泣歔歔而嚮衿。【哽咽】悲嘆而氣結喉塞也。【召署孝義】謂召至署中，欲以孝義薦也。【邑子】同邑

之人也。（史記張耳陳餘傳）中大夫泄公曰：「臣之邑子素知之。」【殷盛】謂邑中富饒之家。【陛下】指靈帝。【體因心之

【德】(詩大雅)維此王季，因心則友。(傳)因，親也。(箋)王季之心親親，而又善於宗族。【萬機】萬事也，亦作幾。(書皋陶謨)一日

二日萬幾。【建用皇極】(書洪範)建用皇極。(傳)皇，大極中也。凡立事當用大中之道。【神紀騁於無方】(紀綱)神紀，猶

皇紀也。人臣尊帝王之詞。騁，遠馳也。無方，言廣大無有方所也。【淑暘洽於羣生】(暘)通達也，言淑行通達，洽於衆生也。【休徵

誕漫】(誕)大也。漫，滿也。【魯侯能孝命於夷宮】(國語)宣王欲得國子之能導訓諸侯者。樊穆仲曰：「魯侯孝。」王曰：「何以

知之？」對曰：「肅恭明神，而敬事者老，賦事行刑，必問遺訓，而咨於故實。」王曰：「然則能訓治其民矣。」乃命魯孝公於夷宮。【張仲

二句】(詩小雅)侯誰在矣，張仲孝友。(傳)侯，維也。張仲，賢臣也。善父母爲孝，善兄弟爲友，言宣王使文武之臣征伐，與孝友之臣處內。

【周宣】(名靖，厲王子。【烏以反哺二句】(格物論)烏有反哺其母者，爲慈烏。瑞應圖)烏，太陽之精也，亦至孝之應。【羔以

跪乳二句】(春秋繁露)凡賈，卿用羔，羔有角而不用。如好仁者，執之不鳴，殺之不號，類死義者。羔飲其母，必跪，類知禮者。羊之爲

言詳也，故以爲賈。【精爽】(左傳)心之精爽，是爲魂魄。【殄瘁】指其死也。

薦禰衡疏

禰衡，字正平，平原般人。少有才辯，氣尙剛傲，善魯國孔融。融亦深愛其才，上疏薦之。曹操嘗召爲鼓吏，欲以辱

之。衡乃裸身而立。孔融勸衡趨謝，衡陽諾之；又造操門外大罵，操怒其狂傲，謂孔融曰：「禰衡豎子，孤殺之猶鼠雀耳。願此人

素有虛名，遠近將謂孤不能容物。今送與劉表，視當何如。」未幾，衡復侮慢於表，表恥不能容，以江夏太守黃祖性急，乃送衡

與之，卒被殺。

孔融

見論辨

臣聞洪水橫流，帝思俾乂，芻求四方，以招賢俊。昔孝武繼統，將弘祖業，疇咨熙載，羣士響臻。陛下睿同聖纂承基緒，遭遇扈運，勞謙日昃，維嶽降神，異人並出。竊見處士平原禰衡，年二十四，字正平，淑質貞亮，英才卓犖，歷初涉藝文，升堂覩奧，目所一見，輒誦于口；耳所暫聞，不忘于心；性與道合，思若有神。弘羊潛計，安世默識，志以衡準之，誠不足怪。忠果正直，志懷霜雪，見善若驚，疾惡如讐。任座抗行，史魚厲節，殆無以過也。鷲鳥累百，不如一鶚；使衡立朝，必有可觀。飛辯騁辭，溢氣空切，涌解疑釋結，臨敵有餘。昔賈誼求試屬國，詭係單于；終軍欲以長纓，牽致勁越；弱冠慷慨，前世美之。近日路粹嚴象，亦用異才，擢拜臺郎，衡宜與爲比。如得龍躍天衢，振翼雲漢，揚聲紫微，垂光虹蜺，齋足以昭近署之多士，增四門之穆穆。鈞天廣樂，必有奇麗之觀；帝室皇居，必蓄非常之寶。若衡等輩，不可多得。激楚陽阿，至妙之容，掌技者之所貪；飛兔騶香，翽絕足奔放，良樂之所急。臣等區區，敢不以聞？

陛下篤慎取士，必須效試，乞令衡以褐衣召見，必無可觀采，臣等受面欺之罪。

子桓謂文舉體氣高妙，吾於此文亦云。

【註釋】【帝】唐堯。【乂】安也。【殤】廣也，非一方也。【疇咨二句】疇，誰也。咨，嗟也。照廣也。載，事也。猶曰嗟乎誰能廣帝

之事，而羣士已響應而至矣。【陛下】謂獻帝也。【叡聖】（書洪範）睿作聖。（疏）睿聖俱是通名，聖大而數小。【纂】通續，繼也。

【勞謙】（易謙卦）勞謙君子有終吉。【日昃】謂日過中而斜長也。（書無逸）自朝至於日中昃，不遑暇食。【維嶽降神】

（詩大雅）維嶽降神，生甫及申。（傳）嶽，四嶽也。嶽降神，靈和氣，以生申甫之大功。【卓犖】絕異也。【升堂】（論語）由也升堂

矣，未入於室也。【奧】（爾雅釋宮）西南隅謂之奧。【弘羊潛計】桑弘羊，維陽賈人子，以心計，年十三拜侍中。【安世默識】

張安世，字少孺，爲郎。武帝行幸河東，嘗亡書三篋，詔問莫能知。唯安世識之，具作其事。後購求得書，以相校，無所遺失。上奇其能，擢爲侍

書令。【任座抗行】（呂氏春秋）魏文侯飲，問諸大夫，寡人何如主也？任座曰：「君，不肖君也，克中山不以封君之弟，而以封君之

子，是以知不肖君也。」文侯不悅，次及翟璜，曰：「君，賢君也。臣聞其主賢者，其臣直，是以知君之賢也。」抗行，猶抗顏也。【史魚】衛

大夫，名鱗。靈公不用蘧伯玉，而任彌子瑕，死以尸陳。靈公乃進伯玉而退子瑕。孔子稱之曰：「直哉史魚。」【厲】高也。【鶚】魚鷹

也，鳥類之猛者，喙頗短，趾有蹼，性喜棲水渚捕魚，亦謂之雕鳩。【盆涌】言聚而騰上也。【賈誼二句】詭，責也。詭係單于，言以係

單于爲責任也。（漢書賈誼傳）何不試以臣爲屬國之官，以主匈奴，行臣之計，必係單于之頸而制其命。【終軍二句】終軍，字子雲，

濟南人。博辯能文，武帝時爲博士，累擢諫議大夫。時南越與漢和親，乃遣軍使南越，說其王，欲令入朝，比內諸侯。軍自請願受長纆，必羈南越王而致之闕下。

【弱冠】賈誼終軍，皆年十八，故曰弱冠。

【路粹嚴象】（典略）路粹，字文蔚，少學於蔡邕。高才，與京兆嚴

象拜尙書郎。象以兼有文武，出爲揚州刺史，粹後爲軍謀祭酒，與陳琳阮瑀等典記室。

【臺郎】謂尙書郎也。

【紫微】天帝之座

也。【虹蜺】謂虹與副虹也。（爾雅疏）虹雙出，色鮮盛者爲雄，雄曰虹，闇者爲雌，雌曰蜺。

【署】（兩都賦序）內設金馬石渠之署。

【四門穆穆】（書舜典）賓于四門，四門穆穆。傳穆穆，美也，四門，四方之門。

【鈞天廣樂】秦穆公疾，不知人，既寤，曰：「我之帝

所，甚樂，與百神游於鈞天，廣樂九奏萬舞，其聲動心。」見（史記）

【激楚】聲之激揚凌楚者。（楚辭九歌）宮廷震驚，發激楚些。

【陽阿】古之善歌者，因亦謂歌曰陽阿。（古詩）渡江采菱發陽阿。

【飛兔驪襲】驪，或作要。（呂氏春秋）飛兔驪襲，古之駿馬也。

【良樂】王良伯樂，古之善相馬者。

【面欺】（漢書張湯傳）上以張湯懷詐面欺。

肉刑議

孔融

古者敦龐，善否區別，吏端刑清政簡，一無過失，百姓有罪，皆自取之。末世陵遲，風化壞亂，政撓其俗，法害其教。故曰：「上失其道，民散久矣。」而欲繩之以古刑，投之以殘棄，非所謂與時消息者也。紂斮^提朝涉之脛，天下謂爲無道。夫九牧

之地，千八百君，若各別月一人，是天下常有千八百紂也；求俗休和，弗可得也。

且被刑之人，慮不念生，志在思死，類多趨惡，莫復歸正。夙沙亂齊，伊戾禍宋，趙高英布，爲世大患，不能止人遂爲非也；適足絕人還爲善耳。雖忠如鬻拳，信如卞和，智如孫臏，寃如巷伯，才如史遷，達如子政，一離同刀鋸，沒世不齒。是太甲之思庸，穆公之霸秦，南睢之骨立，衛武之初筵，陳湯之都賴，魏尙之守邊，無所復施也。漢開改惡之路，凡爲此也。故明德之君，遠度入深惟，棄短就長，不苟革其政者也。

刑不能止人爲非，適足絕人爲善，洵爲至理名言，文亦淵雅樸茂。

【註釋】【敦龐】風俗之美也。（左傳）民生敦龐，和同以聽。

【陵遲】見蔡邕正交論。

【殘棄】殘其支體而棄廢之。

【消

息】消，謂滅息，謂增時運循環，增減不息也。易曰：天地盈虛，與時消息。

【斬朝涉之脛】見書泰誓，紂於冬月，見朝涉水者，謂其

脛耐寒，斬而視之。【九牧之地千八百君】（漢書賈山傳）昔者周蓋千八百國。

【夙沙亂齊】（左傳）靈公廢太子光，立公

子牙，使夙沙衛爲少傅。崔杼逆光而立之，是爲莊公。莊公以夙沙衛易己，衛奔高唐以叛。

【伊戾禍宋】（左傳）楚客聘於晉，過宋，

太子痤知之，請野享之。公使往，伊戾請從，遣之。至則坎用牲，加書徵之，馳而告曰：『太子將爲亂，既與楚客盟矣。』公使視之，則信有焉。

公囚太子，太子極死。公徐聞其無罪，乃烹伊戾。【趙高】秦宦者，始身崩，高矯詔賜長子扶蘇死，立二世，旋弒之，立于嬰。子嬰族誅之。

【英布】布微時，坐法黥，論輸驪山，亡之山中爲羣盜。及屬項羽，常爲先鋒陷陣，後歸漢，封淮南王，以韓信彭越見誅，懼禍及己，發兵拒命，高祖討平之。【鬪拳】（左傳）初，鬪拳彊諫楚子，弗從，臨之以兵，懼而從之。拳曰：「吾懼君以兵，罪莫大焉，遂自刎。」楚人以爲大剛。

【信如下和】（韓非子）楚人和氏得璞玉於荆山之中，獻之武王。武王使玉人相之，曰：「石也。」王以和爲護己，則其左足。及文王卽位，和又奉其璞，玉人又曰：「石也。」又刎其右足。文王薨，成王卽位。和乃抱其璞而哭於荆山之下，——三日三夜，——泣盡而繼以血。王使玉人攻璞而得寶焉。成王封和爲陵陽侯，和辭不就而去。【孫臏】見賈誼過秦論上。【巷伯】詩小雅注云：「巷伯，內小臣也，掌

王后之命於宮中，故謂之巷伯，伯被讒，將刑。寺人孟子傷而作詩，以刺幽王也。【史遷】司馬遷也，見書牘小傳。【子政】劉向，字子政，宣帝時，上言黃金可成，上令典尙方鑄作事，費甚多，方不驗，乃下吏當死。上奇其才，得踰冬減論。班固云：「向博物洽聞，通達古今。」

【太甲之思庸】思庸，念常道也。（尙書序）太甲既立，不明，伊尹放諸桐，三年，復歸于亳，思庸。【穆公之霸秦】秦穆使孟明白乙等伐鄭，蹇叔諫不從。晉襄公敗諸驪，囚孟明等，後歸之。穆公曰：「孤之罪也。夫子何罪？」復使爲政，遂窮西戎。事見（左傳）。【南睢之骨立】未詳。

【衛武之初筵】賓之初筵之詩。衛武公飲酒悔過而作。【陳湯之都賴】陳湯，見論甘延壽疏。湯斬郅支單于於都賴水上。【魏尙之守邊】漢文帝時，尙爲雲中守，坐上首虜差六級，下吏削爵。趙人馮唐爲郎，爲言文帝，赦尙，復爲雲中守。

請增封荀彧表 荀彧，字文若，詳見魏文帝自敘註。

魏武帝 見序跋

奏議 請增封荀彧表

九一

昔袁紹作逆，連兵官渡，時衆寡糧單，圖欲還許。尙書令荀彧，深建宜往之便，遠恢進討之略，起發臣心，革易愚慮，堅營固守，徼其軍實，遂摧撲大寇，濟危以安。紹旣破敗，臣糧亦盡，將舍河北之規，改就荆南之策。或復備陳得失，用移臣議，故得反旆冀土，克平四州。向使臣退軍官渡，紹必鼓行而前；敵人懷利以自百，臣衆怯沮以喪氣；有必敗之形，無一捷之勢。復若南征劉表，委棄兗豫，飢軍深入，踰越江沔，緬利旣難要，將失本據。而或建二策，以亡爲存，以禍爲福，謀殊功異，臣所不及。

是故先帝貴指縱之功，薄搏獲之賞；古人尙帷幄之規，下攻拔之力。原其績效，足享高爵；而海內未喻其狀，所受不侔其功。臣誠惜之，乞重平議，增疇戶邑。此表推崇文若，不遺餘力；老瞞之能得人心者以此。

【註釋】

【袁紹】

字本初，汝陽人。靈帝時，爲佐軍校尉。帝崩，紹與何進謀召董卓軍共誅宦官，卓未至而事洩，進被殺。紹乃勒兵捕

宦官，盡殺之。卓至，議廢立，紹不從，出奔冀州，起兵討卓。卓擁帝入長安，死於王允之手。後紹據河北，與曹操戰於官渡，大敗，疾作而死。

【官渡】城名，在今河南中牟縣東北，亦曰中牟臺。建安四年，袁紹既併公孫瓚，兼冀、青、幽、并四州之地，衆十餘萬，進軍攻許，許都大震，操拒之官渡。【許】今河南許昌縣。建安元年，曹操迎獻帝都許。【徵其軍實】徵，抄也，要截也。袁紹運穀車數千乘至，操遣將邀擊，大破之。紹又遣軍運穀，使淳于瓊等將兵萬餘人送之。操自將步騎五千夜往，又大破之，盡燔其積聚。【河北】大河以北之地。

【荆南】卽荊州。【冀土】謂冀州，漢末治鄴，故城在今河南臨漳縣西南。【劉表】字景升，山陽高平人，魯恭王之後也。獻帝時，爲荊州刺史，愛民養士，從容自保。及曹操與袁紹相持於官渡，紹求助於表，表許之而未往援。操既收紹，遂自將征表，未至，表疽發背卒。

表子琮舉州降操。【兗豫】二州名，今地詳魏文帝自敘註。【懷利自百】謂乘其利便，一可抵百也。【江河】江，謂揚子江，沔水，卽漢水也。【指縱】（漢書蕭何傳）夫獵，追殺獸者，狗也，而發縱指示獸處者，人也。（注）發縱，謂解縱放之也，指而示者，以手指示之。【帷幄】（漢書張良傳）運籌策帷幄中，決勝千里外，子房功也。【疇】等也。（漢書宣帝紀）疇其爵邑。

示之。【帷幄】（漢書張良傳）運籌策帷幄中，決勝千里外，子房功也。【疇】等也。（漢書宣帝紀）疇其爵邑。

求通親親表

太和五年，植上疏求存問親戚，因致其意。

曹植 見論辨

臣植言：

臣聞天稱其高者，以無不覆；地稱其廣者，以無不載；日月稱其明者，以無不照；江海稱其大者，以無不容。故孔子曰：『大哉堯之爲君！惟天爲大，惟堯則之。』

奏議 求通親親表

夫天德之於萬物，可謂弘廣矣。蓋堯之爲教，先親後疎，自近及遠。其傳曰：『克明俊德，以親九族；九族既睦，平章百姓。』及周之文王，亦崇厥化，其詩曰：『刑于寡妻，至于兄弟，以御于家邦。』是以雍雍穆穆，風人詠之。昔周公弔管蔡之不咸，廣封懿親，以藩屏王室，傳曰：『周之宗盟，異姓爲後。』誠骨肉之恩，爽而不離；親親之義，寔在敦固；未有義而後其君，仁而遺其親者也。

伏惟陛下：資帝唐欽明之德，體文王翼翼之仁；惠洽椒房，恩昭九親；羣臣百僚，番休遞上；執政不廢於公朝，下情得展於私室；親理之路通，慶弔之情展，誠可謂恕己治人，推惠施恩者矣。至於臣者，人道絕緒，禁錮明時，臣竊自傷也。不敢過望交氣類，脩人事，敘人倫。近且婚媾不通，兄弟永絕，吉凶之間塞，慶弔之禮廢；恩紀之違，甚於路人，隔閼之異，殊於胡越。今臣以一切之制，永無朝覲之望。至於注心皇極，結情紫闥，神明知之矣。然天實爲之，謂之何哉！退省諸王，常有戚戚具爾之心。願陛下沛然垂詔，使諸國慶問，四節得展，以敘骨肉之歡恩，全怡怡之篤義。

妃妾之家，膏沐之遺，歲得再通，齊義於貴宗，等惠於百司。如此，則古人之所歎，風雅之所詠，復存於聖世矣。

臣伏自惟省，豈無錐刀之用？及觀陛下之所拔授，若臣爲異姓，竊自料度，不後於朝士矣。若得辭遠遊，戴武弁，解朱組，佩青紱，駙馬奉車，趣入得一號，安宅京室，執鞭珥筆，出從華蓋，入侍輦轂，承答聖問，拾遺左右，乃臣丹情之至願，不離於夢想者也。遠慕鹿鳴君臣之宴，中詠棠棣匪他之誠，下思伐木友生之義，終懷六莪蒿極之哀。每四節之會，塊然獨處，左右唯僕隸，所對惟妻子，高談無所與陳，發義無所與展，未嘗不聞樂而拊心，臨觴而歎息也。

臣伏以爲犬馬之誠，不能動人；譬人之誠，不能動天。崩城隕霜，臣初信之，以臣心況，徒虛語耳！若葵藿之傾葉，太陽雖不爲之迴光，然終向之者誠也。臣竊自比葵藿，若降天地之施，垂三光之明者，寔在陛下。臣聞文子曰：『不爲福始，不爲禍先。』今之否隔，友于同憂，而臣獨唱言者，何也？竊不願於聖代使有不蒙施之

物有不蒙施之物，必有慘毒之懷，故柏舟有天只紙之怨，谷風有棄予之歎。伊尹恥其君不爲堯舜。孟子曰：『不以舜之所以事堯事其君者，不敬其君者也。』臣之愚蔽，固非虞伊；至於欲使陛下崇光被時雍之美，宣緝熙章明之德者，是臣悽悽之誠，竊所獨守，實懷鶴立企佇之心，敢復陳聞者，冀陛下儻發天聰，而垂神聽也。

一字一淚，雖鐵石人亦爲動心。陳思之能令終，未始非文字有以感之也。

【註釋】【大哉堯之爲君三句】見《論語》。【克明俊德四句】見《書堯典》。九族者，以自己爲本位，直系親則上至高

祖，下至玄孫，旁系親則由己橫推至三從兄弟而止。蓋以族兄弟，再從兄弟，堂兄弟，兄弟，同爲高祖四世之孫故也。百姓，百官也，言能明俊德之士任用之，以睦高祖玄孫之親。九族既化，則百官平和章明也。【刑于寡妻三句】見《詩大雅》。刑法也。寡妻，寡德之妻，謙

詞也。御，治也。文王以禮接其妻，至於兄弟，又能推其治於家邦也。【雍雍】和也，通作雝。《詩周頌》有來雝雝。【穆穆】美也。《詩大雅》穆穆文王。【風人】詠詩之人。《詩關雎詩序》上以風化下，下以風刺上，主文而譎諫，言之者無罪，聞之者足以戒，故曰風。【周

公弔管蔡之不咸】周公名旦，封於魯，今山東曲阜縣。管叔名鮮，封於管，今河南鄆縣有管城。蔡叔名度，封於蔡，今河南新蔡縣故蔡城。弔，傷也。咸，同也。《左傳僖二十四年》富辰曰：『昔周公弔二叔之不咸，故封建親戚以蕃屏周。』參看周成漢昭論二叔註。【周

之宗盟二句】（左傳隱十一年）滕侯薛侯來朝，爭長。公使初父請於薛侯曰：『周之宗盟，異姓爲後。』【骨肉之恩二句】爽，差也。言兄弟之間，雖有差異，而不相離也。【未有義而後其君二句】見孟子。【陛下】指魏文帝。【帝唐欽明之德】欽，敬也。書堯典。欽明文思安安。【翼翼】翼翼，恭慎貌。【椒房】爾雅：翼椒實多而香。漢世皇后稱椒房，取其實蕃衍盈升，以椒塗屋，亦取其溫暖。【九親】猶九族也。【番休遞上】言羣臣百官更番依次以上也。【婚媾不通四句】魏氏春秋：是時待遇諸國法峻。任城王暴薨，諸王既懷友于之痛，植及白馬王彪回國，欲同路東歸，以敘隔闕之思，而駿國使者不聽。【胡越】胡在北方，越在南方。淮南子：自其異者觀之，肝膽胡越也。【朝覲】禮曲禮：天子當依而立，諸侯北面而見。天子曰覲，天子當于而立，諸公東面，諸侯西面曰朝。【皇極】見蔡邕爲陳留太守奏上孝子程末事表。【紫闥】宮中之門，小者曰闥。後漢書崔駰傳：攀臺階，闥紫闥。【天實爲之謂之何哉】見詩邶風。【戚戚具爾】詩大雅：戚戚兄弟，莫遠具爾。註：戚戚，內相親也。具，猶俱也。爾，謂進之也。王與族人燕兄弟之親，無遠無近，俱揖而進之也。【膏沐】詩衛風：豈無膏沐。【錐刀之用】東觀漢記：黃香上疏曰：『以錐刀小用，蒙見宿留。』【遠遊】蔡邕獨斷：遠遊冠者，王侯所服。【武弁】侍中冠武弁。【解朱組佩青紱】言不爲諸侯而仕於朝也。紱，綬也。禮玉藻：公侯佩山玄玉而朱組綬。漢書百官公卿表：凡二千石以上，銀印青綬。【駙馬奉車】皆官名。漢置奉車駙馬騎三都尉，秩比二千石。駙馬都尉，掌駙馬，謂副車之馬也。奉車掌御乘輿車。【趣得一號】趣，疾也。號，謂命也。猶言博得一命也。【安宅京室】安居於京師也。【珥筆】戴筆也。古史官常插筆於冠側，以備記事，故云。一說，珥，通耳，吮也，即吮毫之義。【拾遺左右】漢書：劉向蕭望之，並拾遺左右。【鹿鳴君臣之宴】詩小雅鹿鳴詩序：鹿鳴，燕羣臣嘉賓也。【棠棣匪他之誠】棠，通作常。詩小雅棠棣詩序：常棣，燕兄弟也。又詩曰：『豈伊異人，兄弟匪他。』【伐木

奏議 求通親親表

友生之義】(詩小雅伐木詩序)伐木，燕朋友故舊也。其詩曰：『矧伊人矣，不求友生。』【蓼莪罔極之哀】(詩小雅蓼莪)父

兮生我，母兮鞠我。欲報之德，昊天罔極。【塊然】子然也。【聞樂拊心】即指中山靖王聞樂對言。【崩城】(列女傳)杞梁妻

者，齊杞梁殖之妻也。齊莊公襲莒，殖戰死。杞梁之妻，就其夫屍於城下而哭之，道路過者，莫不爲之揮涕，十日而城爲之崩。【隕霜】

(淮南子)鄒衍事燕惠王盡忠，左右譖之。王繫之，仰天而哭，夏五月爲之下霜。【文子】姓辛，名斨，葵丘濮上人，或謂即范蠡師計然

也。【友于】(書君陳)惟孝友于兄弟。傳言善父母者，必友於兄弟，文義借作兄弟用。【柏舟有天只之怨】只，語已詞。(詩

鄘風柏舟詩序)柏舟，共姜自誓也。其詩曰：『母也天只，不諒人只。』(傳)諒，信也。母也天也，尙不信我。天，謂父也。【谷風有棄予

之歎】見蔡邕正交論。【伊尹恥其君不爲堯舜】伊尹，名摯，力牧之後，生於空桑。書說命昔先正保衡，作我先王，乃曰：『予

弗克俾厥后惟堯舜，其心愧恥，若撻于市。』【崇光被時雍之美】時，是也。雍，和也。(書堯典)光被四表。傳言其名聞，充溢四外。

(又)黎民於變時雍。(傳)言天下衆民，皆變化從上，是以風俗大和也。【宜緝熙章明之德】(詩大雅)於緝熙敬止。(傳)緝熙

光明也。【懷懷】謹慎也。【鶴立】引領而望之意。

隆中對

(三國志諸葛亮傳)先主詣亮，凡三往乃見，因屏人曰：『漢室傾頽，姦臣竊命，主上蒙塵，孤不度德量力，欲信大義於天下，而志術淺短，遂用猖獗；至於今日，然志猶未已，君謂計將安出！』亮答如此。

諸葛亮

三國蜀相，字孔明，琅邪陽都人。漢末避亂居隆中，好爲梁父吟，每自比於管樂。先主三顧，始見之，佐先主取荆州，定益州，遂與魏吳成鼎足之勢。先主卽位，亮爲丞相。先主歿，受遺詔輔政，封武鄉侯，整官制，修法度，東和孫權，南平孟

獲出師北伐，與魏相攻戰者數年，以疾卒於軍。謚忠武。

自董卓已通來，豪傑並起，跨州連郡者，不可勝平數。止曹操比於袁紹，則名

微而衆寡；然操遂能克紹，以弱爲彊者，非惟天時，抑亦人謀也。今操已擁百萬之衆，挾天子以令諸侯，此誠不可與爭鋒。孫權據有江東，已歷三世，國險而民附，賢能爲之用，此可與爲援，而不可圖也。

荊州北據漢沔，利盡南海，東連吳會，貴西通巴蜀，此用武之國，而其主不能守，此殆天所以資將軍；將軍豈有意乎？益州險塞，沃野千里，天府之土，高祖因之以成帝業。劉璋闇弱，張魯在北，民殷國富，而不知存恤。智能之士，思得明君。將軍既帝室之胄，信義著於四海，總攬英雄，思賢如渴。若跨有荊益，保其巖阻，西和諸戎，南撫夷越，外結好孫權，內修政理。天下有變，則命一上將，將荊州之軍，以向宛洛。將軍率益州之衆，以出秦川，百姓孰敢不箠食？嗣壺漿以迎將軍者乎？誠如是，則霸業可成，漢室可興矣。

一席之談，已定三分之二之業，此身未出，而天下大勢，瞭如指掌，信乎三代後一人矣！

【註釋】【董卓】見魏文帝自敘。【豪傑】袁紹、袁術、公孫瓚、孫堅之徒。【曹操二句】操讓縣自明本志令，亦謂袁紹據

河北，兵勢彊盛，孤自度勢，實不敵之。【孫權】字仲謀，吳郡富春人，父堅，獻帝時起兵討董卓，又受袁術命，徵荊州劉表，爲黃祖所殺。

兄策，平定江東。卽今江南及浙江等地。策死，權繼之，破曹操於赤壁，西和蜀漢，北當強魏，稱帝於建業，國號吳。【荊州】後漢南陽、南

陵、江夏、零陵、桂陽、武陵、長沙七郡，皆屬荊州，今河南南境，及湖北湖南。【漢沔】漢沔本一水，漢水出陝西寧羌縣嶓冢山，東南流，至

湖北漢陽縣入江，河水出陝西略陽縣東狼谷中，東南流注漢，故河水特入漢之小水耳。【南海】後漢郡，治番禺，今廣東番禺縣。

【吳會】漢郡，吳治吳，今江蘇吳縣。謂會稽，治山陰，今浙江紹興縣。【巴蜀】漢郡，巴治江州，今四川巴縣西，蜀治成都，今四川成

都縣。【主】指劉表。【益州】漢中、巴、蜀、犍爲等郡，皆屬益州，今四川省地，及陝西南境。【天府】肥沃險固，物產饒多之地。

【劉璋】字季玉，江夏竟陵人，父焉，爲益州刺史，焉死，璋襲位。【張魯】字公祺，沛國豐人，祖父陵客蜀，造作道書，以惑百姓，從受道

者，出五斗米，故世號米賊。陵死，子衡行其道，衡死，魯復行之。劉焉以魯爲督義司馬，與別部司馬張儉，將兵擊漢中太守蘇固，魯遂襲修

殺之，奪其衆，及璋殺魯母，魯遂據漢中。【帝室之胄】備爲景帝子中山靖王勝之後。【宛洛】宛，後漢縣，屬南陽郡，今河南南

陽縣，洛，洛陽，後漢縣，屬河南郡，今河南洛陽縣。【秦川】今陝西、甘肅地。

前出師表

建興三年，亮率衆南征孟獲，其秋悉平，乃大舉伐魏，隨發，上疏云。

諸葛亮

先帝創業未半，而中道崩殂。今天下三分，益州罷疲通敝，此誠危急存亡之秋也。然侍衛之臣，不懈於內；忠志之士，忘身於外者；蓋追先帝之殊遇，欲報之於陛下也。誠宜開張聖聽，以光先帝遺德，恢弘志士之氣；不宜妄自菲薄，引喻失義，以塞忠諫之路也。

宮中府中，俱爲一體，陟罰臧否，鄙不宜異同。若有作奸奸同犯科，及爲忠善者，宜付有司，論其刑賞，以昭陛下平明之治；不宜偏私，使內外異法也。

侍中侍郎郭攸之、費禕、衣董允等，此皆良實，志慮忠純，是以先帝簡拔，以遺陛下。愚以爲宮中之事，事無大小，悉以咨之，然後施行，必能裨補闕漏，有所廣益也。將軍向寵，性行淑均，曉暢軍事，試用於昔日，先帝稱之曰能，是以衆議舉寵爲督。愚以爲營中之事，事無大小，悉以咨之，必能使行陣和穆，優劣得所也。親賢臣，

遠小人，此先漢所以興隆也；親小人，遠賢臣，此後漢所以傾頹也。先帝在時，每與臣論此事，未嘗不歎息痛恨於桓靈也！侍中尚書長史參軍，此悉貞亮諡同死節之臣也；願陛下親之信之，則漢室之隆，可計日而待也。

臣本布衣，躬耕南陽，苟全性命於亂世，不求聞達於諸侯。先帝不以臣卑鄙，猥自枉屈，三顧臣於草廬之中，諮臣以當世之事；由是感激，遂許先帝以驅馳；後值傾覆，受任於敗軍之際，奉命於危難擊去之間。爾來二十有一年矣。先帝知臣謹慎，故臨崩寄臣以大事也。受命以來，夙夜憂慮，恐付託不效，以傷先帝之明，故五月渡瀘，盧深入不毛。今南方已定，兵甲已足，當獎帥擊入三軍，北定中原，庶竭駑鈍，攘除姦凶，興復漢室，還於舊都，此臣所以報先帝而忠陛下之職分擊去也。至於斟酌損益，進盡忠言，則攸之禕允之任也。

願陛下託臣以討賊興復之效；不效，則治臣之罪，以告先帝之靈。若無興德之言，則責攸之禕允等之咎，以彰其慢。陛下亦宜自謀，以諮諏善道，察納雅言，深

追先帝遺詔。臣不勝受恩感激，今當遠離，臨表涕泣，不知所云。

忠肝貫金石，義氣壯乾坤，千載下如或見之，文之古茂，猶其餘事。

【註釋】【先帝】先主也。姓劉名備，字玄德，涿縣人，漢中山靖王之後。靈帝末，討黃巾有功，除安喜尉，旋依公孫瓚，又從陶謙，爲呂

布所窘。曹操擒布，乃從之許，曾受董承等所傳獻帝衣帶詔，欲誅操，事洩，奔下邳，尋依袁紹，爲紹使於劉表。表卒，曹操兵至，遂奔吳，與孫權合破曹軍於赤壁。尋破劉璋，取成都。時關羽留鎮荊州，爲吳所繫，敗死。先主怒，大舉攻吳，爲陸遜所敗，退居白帝城。章武三年，崩於永安宮。遺命以丞相亮輔後主禪。【崩殂】天子死曰崩，又曰殂落。【益州】見上篇。【秋】猶時也。【陛下】指後主。【引

喻失義】言所稱引譬喻，不合義理。【宮中】指天子宮廷。【府中】指將軍幕府。【陟】進用也。【內外】內謂宮中，外謂府中。【侍中】後漢百官志：侍中掌侍左右贊導衆事，顧問應對。【侍郎】後漢百官志：侍郎主作文書起草。【郭攸

之】南陽人，以器業知名於時，爲侍中。【費禕】字文偉，江夏鄆人，時爲侍中。【董允】字休昭，南郡枝江人，時爲侍郎。【裨益也】裨，益也。【向寵】向朗之兄子，後主建興初，封都亭侯，爲中部督，典宿衛兵。【先帝稱之曰能】先主時，寵爲牙門將，穉歸之敗，寵

獨完，故先帝稱之。【桓靈】桓帝名志，靈帝名弘。【侍中】即指郭攸之費禕。【尙書】漢官，屬少府，指陳震。【長史】丞相府僚也，指張裔。【參軍】凡開府都督，皆有參軍事者，謂之參軍，如今世之參謀也，指蔣琬。【躬耕南陽】三國志諸葛亮傳：亮躬耕隴畝，好爲梁父吟。注：漢晉春秋曰：亮家於南陽之鄆縣，在襄陽城西二十里，號曰隆中。【猥】猶曲也，一作助詞。【驅馳】猶言奔走也。【後值傾覆】建安十三年，曹操追備，及於當陽之長坂。【二十有一年】先主備以建安十三年兵敗，遣

亮使吳求救於孫權。亮以建興五年，上表北伐，自傾覆至此，恰二十年，則備始與亮相遇，在軍敗前一年也。【臨崩寄臣以大事】

（三國志諸葛亮傳）章武三年，先主於永安病篤，召亮於成都，屬以後事，謂亮曰：『君才十倍曹丕，必能安國，終定大事，若嗣子可輔，輔之；如其不才，君可自取。』亮涕泣曰：『臣敢不竭股肱之力，效忠貞之節，繼之以死。』先主又爲詔勅後主曰：『汝與丞相從事，事之如父。』

【瀘】水名，一名若水，即今稿簪江也。其水深廣多瘴癘，夏月尤甚。【不毛】謂不生草木也。【三軍】古者大國三軍，後以三軍爲全軍之通稱。

【中原】指魏也。【舊都】後漢都洛陽，故城在今河南洛陽縣東北。【咨諏】（詩小雅）周爰咨諏。

（傳）訪問於善爲者，咨事爲諏。【雅言】正言也。（論語）子所雅言，詩書執禮，皆雅言也。【先帝遺詔】先主遺詔勅後主曰：『勿

以惡小而爲之，勿以善小而不爲。惟賢惟德，能服於人。汝父德薄，勿效之。可讀漢書禮記，閒暇歷觀諸子及六韜商君書，益人睿智。聞丞相爲寫甲韓管子六韜一通，已畢，未送道亡，可自更求』云云。

後出師表

本傳及武侯集，俱不載此表。傳注載此文云張儼默記，漢晉春秋引之。

諸葛亮

先帝慮漢賊不兩立，王業不偏安，故託臣以討賊也。——以先帝之明，量臣

之才，故通知臣伐賊，才弱敵強也。然不伐賊，王業亦亡；惟坐而待亡，孰與伐之，是

故託臣而弗疑也。

臣受命之日，寢不安席，食不甘味，思惟北征，宜先入南，故五月渡瀘，深入不毛，并日而食；臣非不自惜也。顧王業不可偏安於蜀都，故冒危難以奉先帝之遺意。而議者謂爲非計。今賊適罷下同疲於西，又務於東，兵法乘勞，此進趨之時也。謹陳其事如左：

高帝明竝日月，謀臣淵深；然陟險被創，晉昌傷也危然後安。今陛下未及高帝，謀臣不如良平；而欲以長策取勝，坐定天下，此臣之未解一也。劉繇、王朗，各據州郡，論安言計，動引聖人，羣疑滿腹，衆難塞胸；今歲不戰，明年不征，使孫策坐大，遂并江東，此臣之未解二也。曹操智計，殊絕於人，其用兵也，髣髴孫吳；然困於南陽，險於烏巢，危於祁連，偏於黎陽，幾敗北山，殆死潼關，然後僞定一時爾；況臣才弱，欲以不危而定之，此臣之未解三也。曹操五攻昌霸不下，四越巢湖不成；任用李服，而李服圖之；委任夏侯，而夏侯敗亡。先帝每稱操爲能，猶有此失；況臣驁下，何能必勝？此臣之未解四也。自臣到漢中，中閒期基年耳！然喪去聲趙雲、陽羣、馬玉、閻芝、

丁立、白壽、劉郃、鄧銅等，及曲長屯將七十餘人，突將無前，竇叢叟、青羌、散騎、武騎，一千餘人；此皆數十年之內，所糾合四方之精銳，非一州之所有；若復數年，則損三分之二也，當何以圖敵？此臣之未解五也。今民窮兵罷，而事不可息；事不可息，則住與行勞費正等；而不及早圖之，欲以一州之地，與賊持久，此臣之未解六也。

夫難平者，事也。昔先帝敗軍於楚，當此之時，曹操拊手，謂天下已定；然後先帝東連吳越，西取巴蜀，舉兵北征，夏侯授首，此操之失計，而漢事將成也。然後吳更違盟，關羽毀敗，穉子歸蹉跌，曹丕稱帝，凡事如是，難可逆料。臣鞠躬盡瘁，死而後已；至於成敗利鈍，非臣之明所能逆覩也。

此篇不入蕭選，後人多疑爲僞作。六不解之說——師之將出，先懈軍心——似爲理之所無。隨園老人曾痛駁之。至文之頓挫抑揚，以姿致取勝，與前表亦非一轍。惟鞠躬盡瘁等語，深合武侯心理，且層層推勘，尤足濬發智慧，增長筆力，眞僞可無論矣。

【註釋】【并日而食】兩日祇食一日之食。【今賊適罷於西】後主建興五年，亮攻祁山、南安、天水、安定三郡，皆叛。魏應

漢，關中大震。【又務於東】時曹休與吳陸遜戰於石亭，休兵大敗。【良平】張良字子房，韓人。陳平，陽武人。皆高祖時謀臣。

【劉繇】字正禮。後漢末，袁術援淮南，繇據曲阿，尋為孫策所破，逃至豫章，未幾卒。【王朗】字景興，初為會稽太守。孫策渡江略地，

朗兵敗，請策，曹操徵之，領魏郡太守。曹丕時，論戰守，朗輒與謀。【孫策】字伯符，孫堅子，平定江東，拜討逆將軍，封吳侯。【孫吳】

孫贖吳起。【困於南陽】操與張繡戰於宛，為流矢所中。宛，即後漢南陽郡治。【險於烏巢】烏巢，在今河南鄭縣西北。袁紹拒

操於官渡，輜重萬餘，在古市烏巢。時操糧少，議走許避之。【祁連】祁連，即今天山山脈之東行者。【黎陽】黎陽，後漢縣，故城在

今河南濬縣東北。【幾敗北山】漢中之北山也。夏侯淵敗，操爭漢中，運糧北山下，數千萬囊。趙雲遇之，乃入營閉門，操引去。雲播

鼓震天，以大弩射之，操軍驚駭，踉蹌墮漢水中。【殆死潼關】潼關，在今陝西臨潼縣東。操討馬超韓遂，遇於潼關，超將步騎萬餘

人，來奔操軍，矢下如雨，許褚白操乃扶上船。【五攻昌霸】東海昌霸反，操遣劉岱、王忠擊之，不克。【四越巢湖】魏以合肥為

重鎮，其東南巢湖在焉。孫權圍合肥，魏自湖入淮，軍合肥者屢，卒不能成功。【李服圖之】謂李服轉而謀操也，其事未詳。【夏

侯敗亡】操留夏侯淵守漢中，為先主所殺。【漢中】後漢郡，治南鄭，今陝西南鄭縣。時亮率軍北駐漢中。【趙雲】字子龍，真定

人。先主為曹操所追，棄妻子南走，雲為騎將保護之，皆得免難。累遷翊軍將軍。先主嘗曰：『子龍一身都是膽。』年八十餘，卒於蜀。雲以

下七人無考。【曲長】部曲之長。【屯將】勒兵而守曰屯，又兵耕曰屯田，謂守屯之將也。【突將無前】衝突之將，奮勇之士。

【竇叟青羌】巴夷曰竇，羌亦戎種，蓋羌南征所降之勁兵。【散騎武騎】皆騎兵之名。【一州】指益州。【住與行】

謂守與戰。【先帝敗軍於楚】先主依劉表。表卒，子琮降操。先主方居樊口。操恐先主據襄陽，將精兵五千追之，及於當陽之長坂。

奏議 後出師表 自表後主

先主乃棄妻子遁。【拊手】拊，拍也。拊手，得意貌。【東連吳越】謂與孫權合破操兵於赤壁。【西取巴蜀】遣兵圍成都，取

之。【夏侯授首】謂斬夏侯淵。【吳更違盟，關羽毀敗】羽，字雲長，河東解人。赤壁戰後，先主與吳約分荊州，使關羽守之，

旋失和，孫權用呂蒙計，襲破荊州，羽被害。【秭歸】漢縣，屬南郡，今湖北秭歸縣。先主痛關羽之亡，奮力復仇，爲陸遜敗於秭歸。

【曹丕稱帝】丕，字子桓，曹操長子。廢獻帝爲山陽公，自稱帝，都洛陽，是爲魏文帝，在位六年。

自表後主

後主，名禪，字公嗣，先主子也。

諸葛亮

伏念臣賦性拙直，遭時艱難，興師北伐，未獲全功；何期病在膏肓，命垂旦夕。伏願陛下清心寡慾，約己愛民，達孝道于先君，存仁心于寰宇；提拔隱逸，以進賢良；屏^{聲上}黜^{聲上}奸讒，以厚風俗。

臣家成都，有桑八百株，薄田十五頃，子孫衣食，自有餘饒。臣身在外，別無調度。隨時衣食，悉仰于官，不別治^{聲平}生，以長^{伏音}尺寸。臣死之日，不使內有餘帛，外有盈財，以負陛下也。

此是臨終遺表，一片純潔之心，歷千秋而不死。天不祚蜀，遽促其年，哀哉！

【註釋】【興師北伐】謂伐魏也。

【膏肓】（左傳成十年）晉侯疾病，求醫於秦，秦伯使醫緩爲之。未至，公夢疾爲二豎子，曰：

「彼，良醫也，懼傷我，焉逃之。」其一曰：「居肓之上，膏之下，若我何？」醫至，曰：「疾不可爲也。在肓之上，膏之下，攻之不可，達之不及，藥

不至焉，不可爲也。」（註）肓，膈也，心下爲膏。

【成都】後漢縣，屬蜀郡，今四川成都縣。

【長】餘美也。

